

雙珠記

下



雙珠記目錄

卷下

第二十六齣

奏議頒赦

第二十七齣

續衣寄詩

第二十八齣

遇赦調邊

第二十九齣

續衣得詩

第三十齣

師徒傳習

第三十一齣

轅門遇友

第三十二齣

舉途鄉誼

第三十三齣

勦虜同功

第三十四齣

因詩賜配

第三十五齣

廷對及第

第三十六齣

郵亭失珠

第三十七齣

赴婚遇兄

第三十八齣

吉筵叙故

第三十九齣

珠傳女信

第四十齣

與珠覓珠

第四十一齣

西市認母

第四十二齣

並拜榮陞

第四十三齣

棄官尋父

第四十四齣

僧榻傳音

第四十五齣

月下相逢

第四十六齣

人珠還合

雙珠記卷下

第二十六齣

末上

點絳脣斗轉參橫玉壺傳點天階曉鐘鳴長樂仙  
仗千官遶甲帳徐開殿影齊三更津吏報朝鷄風  
回土苑爐烟裊思覺中天雨露低萬國衣冠春  
共育五雲環珮曉相携大廷擇相皆良吏幾見  
徵書下紫泥自家乃唐朝黃門官是也身親丹  
陛職侍紫宸左右乎一人作朝廷之耳目往來  
于九極通上下之云爲力助鈞衡功歸機軸雙

龍地望見許多舟楫濟天才九虎天關知偌大  
鹽梅調鼎味從容青瑣躬承稷契近唐天咫尺  
黃袍心切蕭曹依漢日若奏若啓達羣意於冕  
旒如絲如綸傳玉言於帷幄都俞吁咈榮名動  
百僚進退周旋治道期千載化行禹貢山川外  
對入在周公禮樂中如今正是早朝時分聖上已  
燕陞寶座恐有表章傳達只得在此伺候道猶未

了奏事官員早來

小外上

小重山萬象橫天紫極高龍蛇盤結處動旌旄蓬

萊宮殿壓雲濤緋烟擁咫尺赭黃袍璣衡齊七政

制度叙三辰心卽渾天體推占妙入神下官乃

司天監保章大夫是也歷觀天象敬授人時此

下官之職昨夜登司天臺仰觀天象各星皆循

次度惟北斗不見不知何故實曠古所未聞也

占之人事決非小失顧盼之際不勝驚愕今特

具本奏聞未奏事官詣前叩頭小外叩頭介萬

歲萬歲未是何衙門官爲何事題本就此披宣

小外臣誠惶誠恐稽首頓首謹言未仔細道來



駐馬聽

小外

鳳鳥臣僚掌日司天太史曹昨者登

臺觀象周環森列不改纖毫帝車驀爾隱魁杓龍  
光劍氣同沉杳曠古奇遭雖多文獻奚從稽考

未

聖上有旨昨日術士袁天綱先奏北斗當化爲  
人西市飲酒已曾遣人宣召因忽不見今據爾  
所奏正與天綱之言相合不知主何祥也爾衙  
門官素習渾儀惟知占候以天時而驗諸人事  
必有應于將來者當爲朕明白敷陳勿得隱諱  
小外叩頭伏蒙聖諭不知所對聊攄愚見冒死

敢言

天監官制奉不餘而國體天垂憲吉凶不

駐雲飛天意迢迢儆戒吾皇示象昭臣惟北斗運

于中央臨制四方分陰陽建四時均五行移節度  
定諸紀所係不爲不重昨日呵失此樞機曜亂却  
經常道嗾占候費推敲未知何兆因變研幾災異  
應非小伏願修禳弭禍苗燮理陰陽氣自調

未聖

上覽奏已知道了着本官暫起候召術士袁天

綱到來面議裁奪

小外叩頭起介末

聖上有旨

卽刻召術士袁天綱速來面對

內應介外上

小重山闕對南山雨露遙九重綸綍降寵榮叨料  
應太史奏神堯天曜變惹得聖衷焦清蹕散城陰  
朱旗夾道深法宮森虎旅仙樂動龍吟昨日北  
斗不見今早司天監官具奏聖心不安特旨宣  
我面對正投我因事進言之機遂我轉死爲生  
之計也此是午門外了旣蒙傳宣不免趨進  
術士袁天綱詣前叩頭外叩頭介萬歲萬歲未  
聖上有旨爾言北斗化人之事已驗于昨矣今  
據司天監官所奏不約而同則天垂象吉凶不

能掩人耳目朕心無任戒懼爾言旣應于已往  
必能推占于將來倘有禍兆當爲朕悉心明言  
言勿得隱諱外臣誠惶誠恐稽首頓首謹言未仔

恐細道來

外

駐馬聽七夕良宵斗化爲人混俗囂聞見傳宣敕  
使倏爾潛蹤霧散雲消成形成象數應招天心仁  
愛垂昭告臣慮切切乞加修省圖維須早未聖上

有旨覽爾所奏以修省爲言是欲朕盡人事以  
答天心也但萬幾之繁四海之廣而修省之要

何者爲先

外叩頭介

臣伏蒙聖諭不知所對聊

據愚見冒死敢言

駐雲飛四海兵刃民困饑荒疾苦饒臣惟近年以  
來兵荒相繼天下必有不得已而犯法者有司不  
原其情鍛鍊成獄呵囹圄多寃殍誅戮如芟草啖  
怨氣徹重霄上干臨照乞納芻蕘速降寬恩詔原  
宥羈囚大辟條仰荅天心勝祀郊末聖上有旨據  
爾所奏甚合朕心正見修德弭災之道當如此  
也卽行宰輔大臣會同六部等官條量事宜頒

降詔書大赦天下以昭朕敬天卹民之意奏事

官起去

外叩頭起介末

聖上已入宮了方纔二

位所奏天顏甚喜

小外

食人之食者當事人之

事故知無不言言無不盡耳

外

臣以誠格君君

以誠格天君臣交孚則天人感應也

末

袁先生

議頒赦書正是致君澤民之事又見得我聖主

山花子 畏天明命于時保念蒼生吾與同胞久瘡

痍何堪訴號至勤宵旰憂勞

合

渙龍章仁恩迴遼

普天率土皆覆燾天心感格除厲祆願取皇圖鞏

固難搖 小外

前腔 微臣恭上占星表 妄披鱗戰慄 無聊荷優容

地厚天高從言流水滔滔 合前外

前腔 上干洪造蘇枯槁 布和風草木天喬 料囚人

萬里舉翹從今遠却臯陶 合前

七夕天垂象 君臣戒不虞

都俞吁咈後 恤詔下堯衢

第二十七齣 淨上

字字雙 長門深閉女中囚 空守花開葉落辨春秋

是否三千粉黛我班頭誇口相思兩淚爲誰留不  
偶老身喚做賽觀音粗踈鬢髮亂松棚面皮爍焦  
千層餅牙齒粧點七倒金京墨濃搽一錠石灰  
淡抹半升十指渾如打未完的鐵搭兩眼好似  
搖不响的銅鈴唇厚三寸說話便要出唾脚長  
尺二縫鞋又要加礮肩聳堪挑匾担嘴尖可掛  
油瓶身上彬斑誰不道胎生玳瑁鼻中點滴我  
自知土產水晶九院儀容不若六宮娥嬪俱欽  
皇帝見我動興三番五次留心皇后爭鋒喪了



七鬼貴妃吃醋失了三鬼因此追歡買笑不能  
共枕同衾昨夜巫山十二方纔雨潤雲温忽被  
鐘鳴雞唱驚得鳳折鸞分

內介

元來是做夢

淨

笑介

你道夢中做事

內問

不是做夢這等容易

淨

還疑水裡撈針老身乃宮中老內人賽觀音

是也當初伏侍太宗爺時節放出三千宮女到  
今以來同輩之人止存得老身與我妹子佛見  
笑兩個餘皆物故可嘆可嘆近年新選些內人  
進來不知事体有三個派在我宮中差使一個

叫劉如花一個叫鄭似玉一個叫王慧姬這三個丫頭好生無理時常與我相抗不聽約束甚是可惡待我叫妹子出來相幫擺佈他一番也

好妹子在那裡

丑上

前腔麗兒起皺鬢颯颯老朽赤脚拖鞋步不休會走十人看見九人羞道醜思量要個鳳鸞儔沒有老身喚做佛見笑自小風流兼美貌雖然年紀六十餘打扮精神多窈窕一生口舌兩面刀說是說非能聒噪不時平地起風波搬得六宮都

嚷鬧諂媚勝似狐狸廝打兇如虎豹有人着了  
我的機關就比猢猻入了圈套教他進退兩難  
方見手段高妙我也曾伏侍皇后娘娘簪花插  
朶也曾伏侍皇帝爺爺穿袍戴帽東宮的尿甌  
傾洗得潔淨公主的夜桶收拾得乾燥因此宮  
正司薦我一本朝廷便加官誥封爲掌行幸的  
都知倘有後宮爭鋒吃醋許我投文放告我想  
才短不堪治繁况且都是熟人如何與他計較  
連忙上表辭官朝廷又賜勅書一道

內介  
勅書

上寫甚麼丑笑介 敕賜我嫁個丈夫內問 你要

甚麼樣人丑 憑我在梨園中尋個插科打諢會

做會唱的風月鳥窠相見介 姐姐喚我做甚麼

淨 我叫你出來別無甚事只因那新來三個丫

頭不服特與你商量柰何他一番丑 此言正合

吾意今日壓得他下後來就不敢了淨 待我叫

他們出來叫介 老旦且貼上

花心動老旦 寂寞昭陽鎖玉關不覺粉容消瘦旦

風遶雕欄月映珠簾那堪愁上眉頭貼 幾番梧桐雨

清寒潤恨漏聲午夜悠悠合望家山何處淚痕盈

袖相見介淨三個丫頭來了丑娘娘委我來查點

你們老旦我們都在這裡又不去別處要查點

就查點何必大驚小怪淨妹子且不要忙待點

名過了和他們講話丑姐姐言之有理點名介

淨你們三個來時緣何見面錢也不送老旦宮

庭法度嚴緊怎帶進來丑東西便帶不進來方

纔見我兩個不肯下個禮兒難道這禮也帶不

進老旦我們通是小民家兒女不曾行此大禮

淨 既是小民家出身何必如此大樣 且我和你

一般在宮中做內人只好叙些長幼有何尊卑

丑 便不論尊卑止把長幼來講也該以禮敬我

貼 敬人者人恒敬之禮人不荅反其敬你兩個

未曾將禮待人乃欲強人敬已是何道理 丑 這

小丫頭倒會調文 淨 既會調文必能通今博古

我且把后妃中幾個古人問你 貼 願聞 淨 吞五

色卵而有娠者是誰 貼 契之母簡狄也 淨 履巨

人跡而成孕者是誰 貼 棄之母姜源也 淨 那個

娶四日而相別九年 貼 此是夏之塗山氏 淨 那

個脫簪珥而待罪永巷 貼 此是周之姜后 淨 阿

呀我難他不到妹子還是你來 丑 我也問你幾

個 貼 請教 丑 馮昭儀何以當熊 貼 昭儀對元帝

曰妾聞猛獸得人而止妾恐熊至御座故以身

當之元帝嗟嘆以此敬重 丑 班婕妤何以辨譖

貼 婕妤訴成帝曰鬼神有知不受不臣之訴如

其無知訴之何益故弗為也成帝憐憫賜黃金

百斤 丑 陰后為貴人時何以不肯正位中宮 貼

以郭氏有子故辭而不敢當 丑 鄧后因剪髮傷

額何以忍痛不言 貼 以太夫人哀憐難傷老人

意 丑 阿呀我也難他不倒 未 扮內臣捧衣上 聖

主推心憐戍卒宮娥着意製征衣 相見介 你兩

個老丫頭只管在此擾攘怎的 淨丑 我們在此

閑講老太監你手中拏的是何衣服 末 這是邊

軍的縑衣舊規都是宮女裁製如今每人分做

一件連夜趲完明早就要發出去的不可遲悞

三旦 既是這等我們各領一件 取介末 你們三



個用心一做天明遲送官正司交割你這兩個

老丫頭去各宮催趲不要在此聒噪

淨丑理會

得正是閉門不啻窓前月一任梅花自主張

同

未下貼

劉家姐鄭家姐着甚來由被那兩個老

潑才纏了半日

老旦旦

王家姐又虧你通文識

古爭了口氣不然還要受他好些難爲

貼我們

在此寂寞難以度日方纔這些衣服正好針指

消閒

老旦

只怕要緊不易得完

旦

連夜趲做庶

或可及

貼

如今天色已暮就動手罷

各坐定做

衣介貼

集賢賓黃昏永巷煙浸柳霏霏暝色盈眸花底金  
猊蘭篆紐正遠樹棲鴉時候

看珠悲介

明珠繫久

怎見得萱容依舊

合

心似炙痛骨肉數遭陽九

前腔

老旦

初更鐘鼓起戍樓流螢飛傍簾鈞雲漢

昭回星與斗見耿耿明河將溜孤燈自守豈敢望

承恩先後

合前旦

前腔二更漏閣驚換籌翠屏寒潤潛透漬鮫綃清  
淚難收此衷誰與分割抱甄妃遺枕重憂羨韓女

題紅機偶 合前貼

前腔三更月午光四流空塔明瑩如晝乍驚枝鳩

鵲南投幾番棲止飛逗覷桐影森森轉移聽蛩韻

啾啾悲扣 合前老旦

琥珀貓兒墜四更燭燼欲寐怎能殼 內鷄鳴介 不

覺鷄人頻報丑續衣針線未停手 合 勞瘁怎捱得

鷓鴣頓精神猶飲醇酒 旦

前腔五更將曙 內作樂介 仙樂已調奏曉色微茫

穿戶牖續衣縫紉正成就 合前老旦 衣服雖完神

思困倦不免暫臥片時多少是好 睡介貼叫介

劉家姐鄭家姐好苦一般在此做針線他們就  
睡去了呼喚不應只是心上沒事奴家在此一

似囚鸞檻鳳不能舒展况有母親在堂兄嫂在  
衛彼此遼絕如隔塵世料無相見之日豈勝傷

感 悲介 奴家年貌正芳才情俱妙不幸被州司

報選入宮遂成寡鵠孤鴻終身不耦如何是了

嘆介 這是我命犯孤辰寡宿又誰怨哉方纔做

的繡衣不知到邊方派在那個有緣軍士身上

穿着我且寫詩一首縫在裏邊以寓紅葉傳情  
之意當時紅葉有靈使韓夫人諧今生之偶倘  
此纈衣有靈或可結我後世之緣

寫詩介

沙塲

征戍客寒若若爲眠戰袍經手作知落阿誰邊  
蓄意多添線含情更着綿今生已過也重結後

生緣詩已寫完縫在衣內

縫介

呀天色大明了

劉家姐鄭家姐

老旦旦甦介

身子勞倦不覺睡

去王家姐你好清爽

貼

衣服都完宮正司交割

露冷月華白

針工苦不禁

關山征戍遠

誰解此中心

第二十八齣

淨上

今古長安道郵亭幾往來辛勤迎遠客傳命疾  
於雷小官乃荆湖道鄖縣馬驛驛丞是也昨日  
有報子來說朝廷差使臣賁捧赦書已到十里  
長亭任劄今早整脩龍亭香案儀從鼓樂伺候  
本縣大老爹出來迎接到縣當堂開讀道猶未  
了只見人烟濟濟車馬紛紛大老爹早到也

衆

隨小生上小生

薄皮令啼烏霄嚷報道恩書天降一氣鴻鈞通暢

五色雲間鵲飛鳴天上來覆盆俄照日蟄戶忽

驚雷道路歡聲沸神人喜氣回衣冠應拱北祇

載儼天威淨見介小生驛丞昨晚分付你的可

完備了麼淨龍亭香案儀從鼓樂一應官吏師

生糧塘里老俱到十里長亭伺候去了小生使

臣廩給從人口糧可曾送麼淨俱照關文數目

支過了小生驛丞你擺兩棹酒待開讀過了一

面膳黃一面管待使臣打發前去淨理會得衆

扮鼓樂儀從迎末捧赦書上

前腔鷄竿鼉鼓制出金門傳唱特與人間解網皇  
帝詔曰膺期撫運君道昭淑慝之分治曆明時  
天文著妖祥之異幽明相感理亂所關朕以眇  
躬承茲丕業恒率由乎祖訓求允協于天心邇  
者北斗潛形莫顯魁杓之象中央失制奚當節  
度之權造化旣淆治功斯廢徒擁虛位慚三才  
之難參翼持小心效六事之自責肆頒慈典用  
卹繫囚惟寧失之不經皆欲措諸咸若生恩旣



及于下土和氣可還于中天所有卹章赦開于  
後自今年七月初七日昧爽以前官吏軍民人  
等有犯除謀反逆叛子孫謀殺祖父母父母妻  
妾殺夫奴婢殺家長殺一家非死罪三人採生  
折割蠱毒魘魅毒藥殺人強盜妖言妖書姦黨  
失機及事干邊方重情至死不赦外其有斬絞  
者免死充軍原係軍者改調邊衛其餘已發覺  
未發覺已結正未結正事無大小咸赦除之敢  
有以赦前事相告言者以其罪罪之謝恩拜典

拜興山呼 小生 萬歲萬歲萬萬歲 衆下末見介

小生 叫左右的請過聖旨騰黃安排筵席管待

天使 末 這禮不消了 下官還要別處開讀 豈敢

久稽就此告辭不辭 驛馬凌風雪要使函 囚見

日星 下小生 分付禁子把監中重囚帶出來面

審其徒流犯人名姓無賍的 逕自釋放 若有賍

的也召進來召保發落 左右介丑淨小外生扮

囚上 丹鳳啣恩至 蒼鷹獄吏清風雲生瑞色 桎

梏動歡聲 見介左右 犯人當面 小生 取監簿上

來看

看介

一名趙甲爲恐嚇詐財事問杖一百

徒三年有給主贓銀三兩

丑介

押小人出去變

產就完

小生

一名錢乙爲侵欺錢糧事問大同

衛充軍有還官銀五十七兩

淨介

小人監禁多

年家產盡絕蒙大老爺查勘明白申過上司了

小生一名孫丙爲謀財殺命事問斬罪的你該

免死充軍

小外外

多謝大老爺方便

小生

一名

王揖爲殺傷長官事問絞罪的你該免死原

係郎陽軍該調邊衛

生

多謝大老爺方便

小生

叫左右的將趙甲錢乙召保在外待贖銀完日  
發放寧家孫丙管押在外僉批起解都帶出去

丑淨小外謝介 感謝大老爺恩德極知幽狂無

留繫要約真鴻有定居 並下小生 王楫該調邊

奔就點一名解子進來 左右介外上 捷足奔馳

苦公文解迤勞 見介 大老爺有何差遣 小生 你

解那軍人王楫改調劔南衛去 外理會得 帶生

起介小生 慈章遙播仁恩廣率土須教狴犴空

下末上 天道昭昭在人心豈可欺到頭終有報

來早與來遲且喜王濟川遇赦改調劔南特來

送別

生

葉長官小生久荷恩養未有寸酬今蒙

大赦改調劔南正欲回家率領妻子到宅拜謝

末

可憐王先生你兀自不知哩

生

一向在監其

實不知

末

令正令郎的事不好說得恐你傷心

連日隱瞞在心如今你要起程不得不說了

生

有何緣故

末

前日令正進監來只因你把我那

句話兒說與他了次日有人遇見你令正呵

刮鼓令携兒走市坊到郵亭遇陝商輒把與螟蛉

爲嗣割恩情最可傷

生悲介

好苦把我孩兒賣去

爲甚緣故

末

端是重糟糠獨登太和峰巔不返

生

他去上邊做甚勾當

末

言之不忍

生

有言就說

末

投淵求死表綱常

生驚介

我荆妻去投淵尋死有

人救麼

末

倉卒之際有誰來救芳魂早赴窈冥鄉

生悲介

天那真痛殺人也

哭倒介末扶起介生

前腔婦人欠思想泥一言枉自亡使吾心不勝哀

痛離恨如同天地長我那九齡的孩兒呵當幼穉

去邊疆知伊此生如何長養

恨介

我那妻呵若沒

李克成張有德二賊害我誰承望今日鳳悲凰這  
茶毒沒齒豈能忘外王先生你的冤情不止葉長

官知道滿城人都是憐憫的幸得皇天有眼那  
李克成張有德二人俱被天雷打死家中各被  
天火燒盡這是天公替你報讐了生果是如此

小生又何怨充哉合

前腔無端遇暴強致紛爭陷禁牆誣服了恁般刑  
辟幸今朝荷卹章免死戍邊方生末拜介涼涼此身

飄然長往願期他日叙行藏手分携各自淚汪汪

人生最怕墮危機

誰謂天公杳不知

善惡報明冤已雪

願君此去錦衣歸

第二十九齣

小外上

瑞煙濃警罷銅魚邊境乍收烽火舊日江山幸安  
堵風塵奔走九死內一條生路耽悞分明是神龍  
幽臥山水途中沉邊荒客裡身徒多亂離意不見  
亂離人小生陳時策自幼與王濟川孫天燹二  
友相交談經論道以圖進取不料濟川被荆湖  
勾補軍伍去了天燹又與我在亂軍中失散彼



此各無消息止存小生一身奔走風塵周流險  
阻今到劔南地方投充軍士欲圖寸進不知天  
意如何 嘆介 金革之事非儒生所爲然世治用  
文世亂用武豈可守株待兔幸得大元帥楊公  
收在部下差用每蒙青目前日撥去守堡偶殺  
達賊首級一顆已蒙元帥在紀功本上帶我名  
字待旨意下來必有冠帶了若得冠帶便可立  
功所謂五穀不熟不如稊稗目下秋深天氣漸  
冷昨聞京中解到纈衣在此不知幾時分派且

待同伴軍士們來問他便見端的外丑淨上外

雲迎出塞馬丑風捲渡河旗淨聖主安邊計合

年年賜纊衣相見介小外列位每常只愁汗馬

之勞今日爲何歡天喜地衆我們不爲別事只

因天寒身冷無甚穿着昨日纊衣已到如今帥

府委官賁來唱名給散爲此歡喜特來相報小

外多蒙列位好意感謝感謝衆你看人聲喧嚷

想是委官到也左右捧衣隨小生上

風馬兒宣播恩波爲戎行勤勤懲惰見介小生你

衆軍士們好了天氣初寒就有續衣之賜朝廷  
不曾虧你躬養軍千日用在一朝無事之時小  
人們受朝廷的恩惠有事之時朝廷用小人們  
的心力小生你們既知這個道理則上之使下  
下之事上各得其道矣叫左右的把續衣點件  
數唱名給散左右介小生一名李丁外介小生

一名周戊

丑介小生

一名吳巳

淨介小生

一名

陳時策

小外介小生

陳時策你前日有一功帥

府已申奏去了旨意下來就有冠帶你便是我

們的同僚了小外多謝老爹擡舉小生

排歌甲馬初安瘡痍始蘇王家以爾榮枯推衣挾  
纒遍包羅海宇沾濡雨露多合揮雄劔奏凱歌錦

貂金勒上神都威強虜禦遠胡萬年磐石壯皇圖  
前腔慘淡風塵春秋幾過須知奮勵干戈恩波浩  
蕩及吾徒浹髓淪膚感不磨合前小外

前腔乍解儒冠聊充武夫悠悠自赴交河笑談油  
幕運鴻謨未數當年牧與頗合前左右

前腔上下相交君兵素孚陰陽會合冲和金湯遙

制勢非孤萬里騰歡起嘯哦

合前小生

明早衆軍

士都到帥府前取齊隨我進去謝恩

衆理會得

小生

朝廷推惠遠

左右

邊塞感恩深

衆自愧何

能報

小外

惟精裋革心

並下小外吊場

天氣漸

寒正有這件衣服賜來一冬之計不足憂矣

看

衣介

你看這件衣服線也縫得密綿也着得多

比別件不同可喜可喜

摸衣介

好古怪衣服內

像有些紙的是何緣故待我把頭上簪兒挑開

線縫取出一看便知分曉

挑衣介

阿呀元來是

一首詩 誦前詩介 此詩立意溫醇措詞雅麗乃

才女子也不意宮壺之中有此人物當於班婕妤  
好韓夫人輩求之欣羨欣羨爭奈君民相隔霄  
壤懸絕不能與他厮見若有升天縮地之術亦  
不失此奇遇也可歎可歎

三換頭 宮詞寫訴喜得才情俱可是誰家毓秀有  
這般麗娥空縻青瑣未承恩成間阻苦淒清難消  
怨魔因此題詩縫在衣內媲美題紅意風流直恁  
多 合 千里神交未卜姻緣事若何他道蓄意多添

線含情更着綿足見加厚之意誦之再三宛如  
對面可愛可愛

前腔着綿添線如經平素心盟盡吐想天教致吾  
機通因果雖則如此你在宮庭我在邊塞這般勤  
真坎坷望天涯仙凡異途你今世敦妻道我來生  
是丈夫 合前 且住我到忘了追想當初在家之時

同王濟川孫天彛往訪術士袁天綱他相王濟  
川有難其言已驗他相我有一樁奇遇莫非正  
應着此事豈偶然也

前腔 人生得失皆由前數况婚姻際遇謂非繫命  
何天綱先許道牽絲來御府得宮詞其言乃符我  
想紅葉題句終得遂良緣纈衣寄詩豈不成佳偶  
從古皆云有而今豈遽無

合前

着意縫衣寄短吟 神交千里已知深

蘆花月白難尋路 水底撈針豈見針

第三十齣

小生上

鵲仙橋 幼拋父母遠離鄉井十載螟蛉依本姓就  
中欸曲未全醒彷彿似追風逐影親恩真罔極晨



夕當無違不幸我生初道路成艱危孩提輕永  
別怙恃他庭幃肆爾有二天十年不可歸白雲  
連碧草縈此終天悲小生王九齡本涿州人氏  
因隨父母荆湖從軍父親爲事在獄母親將我  
賣與陝西商人王子循爲螟蛉子那時方年五  
歲雖有知覺尚多懵懂但記得父母姓氏而已  
其中事体不能端詳 悲介 臨別之時母親將明  
珠一顆繫我頸上來此十一年今已十六歲矣  
看珠介 珠雖在此不知我父親曾出獄否母親

能無恙否物是人非豈勝傷感深虧這邊爹媽  
看待勝似親生且不改我名實寓愛禮存羊之  
意不幸三年前爹媽相繼淪亡

哀介

使我舉目

無親最可哀痛哥哥王嗣宗原是爹媽外甥我  
未來時先已懷抱在此長我一歲故此待之爲  
兄叵耐此人愚頑時常與我抵觸每自含忍連  
年請馮先生在家教習舉業喜得功深博約理  
極精微從此奮發取青紫如拾芥兩日先生有  
事不曾來館今早哥哥自去請他此時想必同

到來也 外丑上

破陣子

外絳帳春風迴門墻桃李盈盈 丑燈窓扞

格難尋討空負河汾北面名 合功深道自生 外道

統綿延寄白頭光風霽月應蒙求伊周氣槩生

來壯孔孟文章老未休 相見介外連日限你們

課程曾完否 小生道無終窮學無止法故君子

以勤勵不息自強以怠惰荒寧為懼先生去後

所限課程學生俱已完了 外君子深造之以道

欲其自得之也課程雖完不知你心中所自得

者何如 小生 先生在上聽學生告稟

桂枝香人須率性功當取正從來兩字知行皆是

由賢入聖 外 士希賢賢希聖義理同出于一原也

小生 這一原義理這一原義理惟在通融斯盛支

離斯病 外 知此二者可謂明矣明則可至于誠 小

生 畢竟悟誠明方見簡易工夫盡不枉擔簦負笈

情 外 王九齡你體認親切鋪叙詳明作聖之階宛

然在目功名不足言矣忻美忻美 小生 揖介 謹

受教 外 王嗣宗你的課完了麼 丑 實不相瞞家

中有事課尚未完外你胡說一般兄弟兩個他

的完了你又以家事爲辭丑家事任長比兄弟

不同外課程不完此是暫時事你且把平日所

學一講丑先生在上聽學生告稟

前腔伏承嚴命謹當遵聽摳衣唯諾明經指望文

場馳騁外明經將以致用也須加些工夫便好丑

這心猿意馬這心猿意馬操存靡定斯些弗靜外

既是這等你的前程安能遠大丑何必問前程幾

年枉却春風坐誰信藍中可出青外自暴者不可

與有言也自棄者不可與有爲也因你之言觀  
你之志真自暴自棄之徒可嘆可嘆你兩個聽

我道

**前腔**雍先持敬參勤日省要將心法常惺模範昭  
昭如鏡凡人之心操之則存舍之則亡論存亡操  
舍論存亡操舍可見天人交勝遂至賢愚莫並因  
此重丁寧你兩個須知道涓流可積滄溟大拳石  
能崇泰華成 丑小生揖介 蒙先生教訓敢不勉勵

外王九齡你工夫既到學問已精正是明體適

用之時今當大比可收拾赴京應試小生領教

外王嗣宗你工夫欠密學問未純正好用功夫

能有進丑領教外天色已晚我且回去明早來

講求道每加操守力明經須着討論功下丑笑

介先生在此甚覺拘束先生既去有誰管轄小

生君子儒爲己小人儒爲人哥哥此言乃爲人

之學非爲己之學也丑怒介小畜生無禮我偏

不曉得論語上這兩句說話你把來誚我爲小

人我是土產的到是小人你是來歷不明的野

東西到是君子可惡可惡 小生 朋友切切惻惻

兄弟怡怡方纔小弟所言只要哥哥做個好人

何必發怒 丑 小畜生我正要問你你要做好人

在先生面前誇已之長見得我不好因此先生

怪我可惱可惱 打小生倒介 打你幾下戒你將

來天色已暮我去睡也明燈難久坐束卷且高

眠 下小生起悲介 天那好苦自家不肯讀書反

怪別人說話好生無理 嘆介 王嗣宗你和我在

此都是螟蛉之子苦苦做甚冤家罷罷罷此亦



妄人何足計較自念青春有限黃卷無窮當此  
長夜再用些工夫多少是好

看書介

字字錦含章自可貞豈敢圖僥倖且向殘編斷簡  
中神會而心領書我苦苦讀你只爲功名之事論  
功名務在繼晷焚膏焚膏又恐成畫餅淒清黃昏  
寥寂忽聽得樓頭雁聲悠揚慘悵慘悵驚孤另

哭

介我那爹娘呵

合

猛可地淚珠傾苦天涯人遠他

在那裡涼涼踽踽我這裡朝朝暮暮忡忡耿耿怎  
能穀膝前歡慶

丑上

世上無難事只怕有心人王

九齡你忒欺心小生方纔你打了我不與你計

較自在此看書有何欺心丑只爲看書見你欺

心小生我自看書完我課程于你甚事說我欺

心丑小畜生你會使乖方纔把言語觸我進去

自家看書明日先生見我課程不完又要責我

你便做好漢可恨可恨我偏要吹滅燈火教你

看書不成吹燈介謀深莫措囊螢計志切難加

鑿壁功下小生怪哉怪哉天下有這樣不明之

人今日有這樣不平之事何可當也今年大比

先生教我應試因此用些工夫誰想那冤家又  
來聒噪吹滅燈火如何看書呀你看外邊明月  
滿庭皎然如晝可喜可喜不免將書向月下  
看未爲不好

移坐看書

前腔蟾光正滿庭四顧如朝景彷彿形神在廣寒  
踐却瓊瑤境恁分明只見簡裘篇章篇章句讀可  
覩似星還羸偷光鑿壁且勝紗囊聚螢休誇映雪  
映雪無能瑩

悲介

我不得事父母看書何用

合前

鳥飛反鄉狐死首丘在物皆然况人爲萬物之

靈豈無故土之思早間先生命我收拾應舉意  
尚未決今被王嗣宗恁般欺毆其實難忍目下  
勉強依棲到後終無結果不如乘此機會打點  
起程赴京應試中與不中卽往荆湖尋我父母  
豈非一舉兩得

十年恍惚夢中身  
踪跡蕭條志未淪

自古成人不自在  
果然自在不成人

第三十一齣

外押生上

醉扶歸  
逗荒烟衰草迷谿澗  
亂排空劒戟翠巒峴

遍天涯跋涉焦艱辛况秋聲暗度竟將斷今朝目  
擊劔南關果然是地險連雲棧生暮宿月留茅店

影外曉行鷄弄竹窓聲生相思千里難成夢外

磨蟻團團過此生生一路行來過了多少山水

經了多少風霜今日纔到劔南小生犯罪勢所

不免只是連累長官不當穩便外王先生你說

那裡話你是被人陷害我乃出于官差皆不得

已也何必計較生悲介小生前年到荆湖補伍

夫妻兩口同行今日改調劔南妻死子離孤身

天遠路形影相吊教人豈不傷感外王先生差矣

豈不知男子生桑弧蓬矢以射天地四方何乃

為此區區兒女之態况彼一時此一時也客旅

之中悲之何益生長官承教了外說話之間不

覺已到帥府門首生呀你看三秋風色萬里霜

威真似鈇鉞鎮也如今轅門緊閉想元帥老爺

尚未陞堂只得在此伺候開門則個小外行上

前腔續衣中偶得題紅簡苦元戎下令究根源急

蹉蹉匍匐請轅門論吉凶未卜應相半些須詞句

出無端教人跼踖多惶汗小生前日在纈衣中得

了宮女之詩元帥老爺知道傳令要小生親賚

此詩赴見只得早來到此呀轅門未開且在此

竚立待元帥老爺陞堂然後進見生那來的好

似陳獻夫模樣小外那人好似王濟川模樣生

阿呀果是陳兄小外天那果是王兄外他鄉故

知情同骨肉天下有這般適然之事生小外抱

哭介哭

哭相思數載金蘭成遠盼何期萍聚重相見小外

王兄你在荆湖從軍因何又解來此生陳兄一

言難盡小生自到荆湖蒙帥府憐我儒生不發

差操止令管寫軍前文冊不想營長李克成戲

侮荆妻不從我與毆打被他誣告做部軍殺傷

長官問成絞罪今蒙恩赦免死改調來此小外

老嫂令郎何在生悲介荆妻見我刑期已近逕

將小兒賣與陝西商人投淵而死了小外可憐

可憐命該如此請免愁煩生這也罷了但老母

舍妹在家陳兄臨行必知安否小外令堂在宅



小弟常同孫天夔候問不想朝廷要取宮女本  
州舉報令妹充選去了生悲介好苦舍妹既選

入宮老母失倚小外王兄兀自不知更有一言

不得不說了生陳兄有話就說小外安祿山之

亂城郭丘墟人民逃竄令堂與韓媽媽同行小

弟與孫兄相遇各被亂兵趕散彼此不知下落

生哭倒介天那豈不痛死我也小外扶起介王

兄請蘇甦生一家骨肉冰消瓦解終天之恨何

時能雪小外王兄你纔離囹圄又調遠方急切

不能顧盼且待踪跡少定然後打探音信未遲

生請問陳兄何以到此小外避兵流落于此棄

文就武蒙元帥老爺青目儘好建功生孫天彝

今在何處小外亂中失散尚未通問生悲介吾

三人爲同窓情關休戚誰料多故彼此遼絕可

傷可傷小外孫兄乃間世之英非匏瓜之類自

能見幾而作不必掛懷丑上鼓角聲催巫峽曉

旌旗影照錦江春遙傳虎帳金符令萬里寒風

泣鬼神自家乃帥府中軍聽事官是也蒙元帥

老爺分付有機密事情在內不得工夫坐堂凡

一應投文人役俱過來聽傳發放外生介丑你

們是甚麼事外小人是荆湖道鄖縣解軍調衛

的丑只遞文書進去待老爺照驗發落取文介

起去伺候小外介丑你是甚麼事小外小人是

纊衣內得宮女詩的奉老爺鈞旨要看特送在

此丑你姓陳麼小外小人便是丑可喜可喜你

前日斬首級一顆昨日肯意下來着你冠帶月

給俸米二石待後有功不次擢用小外謝天地

丑你那宮女的詩今早老爺要看迺來我送進

去取詩介只在此少待我進去傳老爺鈞旨發

放你闔外傳消息軍前聽處分下生陳兄你纔

說甚麼宮女詩小外舊規邊軍纊衣都是宮女

縫做小弟分得一件內有詩一首元帥要看特

取進去生願聞其詩生誦前詩介生看此詩句

甚新意甚厚可以追踪韓夫人故事小外紅葉

有逆流而上之靈纊衣豈能及此丑上談笑風

生白羽扇指揮霜肅碧油幢奉老爺鈞旨荆湖

道郎縣解到軍人王揖着中軍分撥差操解子

領批廻回去

與外批介丑

陳時策所得宮女詩

事關禁庭法不當隱奏聞定奪

生小外

多勞動

了丑今日完公幹

外明朝向舊途

並下生

小生

脫死到此誰料今日得見陳兄

首云帽要香

素帶兒歡相遇不覺眉峰倏解攢一便似甘雨頓

消蒸旱心愁有萬般把方寸幾微且暫寬陳兄我

和你在此相遇呵窮途伴折衝禦侮共定天山

昇平樂

小外

吾願笑談油幕使名冲雲漢功蓋塵

寰鑄鐘鑄鼎要保國祚如磐

生

大丈夫立志之秋

固當如此也

小外

能拚忠肝義膽誓無刊庶不負

王家藩翰王兄我和你阿那時方可並轡聯驅晝

錦榮還

生

素帶兒微軀乍隸官圖功孔艱

小外

軍前立功不

全在力只須謀畧

小外

胸襟內有千萬甲冑牢拴

小外

王兄韜畧素閑成功特易

生

雖則如此只恐

小生命薄天心爲我慳怎能殼連城趙壁完

小外

軍旅之事上前有功若聽天命則此心便懶了

生

非心懶深知戎服不比儒冠

小外

昇平樂須看從來豪傑皆揚于行伍凌烟圖贊王

兄你是雄材偉畧真不忝提戈戡亂

生

雖有抱負

我和你是一介武弁那得兵權到手

小外

兵權管

教萬里躍金韉猛可地乾旋坤轉方見書生奮發

鳳翔龍變

尾聲

生

些須欵曲醒愁眼

小外

莫把功名當等閑

合願取不日軍驚築將壇

年少從軍意氣閑

也勝跼踏着儒冠

憑君仗劍勤王事

要寫功名久遠看

第三十二齣

末上

滿庭芳前兵火驚心風塵迷眼飄零數載萍身光  
陰如夢不見夢中人九陛招賢在邇要乘時射策  
金門行看取青天縹緲雲內見麒麟落落風塵已  
十年故人踪跡各蕭然雲山滿目知何處羈思  
浮眉感兩尖小生孫綱是也向因安祿山之亂  
飄流數年此身如寄可嘆可嘆自幼與王濟川  
陳獻夫爲友不幸濟川往荆湖從軍獻夫在亂



中失散彼此杳無音信如何是好小生功名未  
遂志氣不衰今當大比只得又來赴試以畢終  
身事業但不知天意何如遠遠望見幾個朋友  
走來想亦是赴試的待他同行却不是好

小生

丑淨行上

滿庭芳後

小生

關山經歷盡只見行囊絡繹如雲

從教胸次吐首對楓宸

丑淨

若得宮花壓帽且羸

他御酒盈樽

合

邀同契金鞍飛鞚馳驟杏花村

相

見介丑

客裏西風又送迎全憑詩酒慰凋零

末

十年道路雙蓬鬢萬里乾坤一草亭淨名利看

來直鹿夢江湖到處有魚羹小生取青自信明

經出應把恩榮冠衆英未請問列位高姓貴表

丑小子姓錢名買的衆願聞命名之義丑笑介

列位問及不敢相瞞先父早喪沒有殯貲先母

將我賣與錢員外爲子得銀安葬先父改名買

的長大讀書考取進學人都叫我做錢買的秀

才未豈不道秀才無假漆無真怎麼錢買得此

位高姓貴表淨小子姓胡名塗衆願聞命名之

義淨笑介

列位問及不敢相瞞小子稟性愚魯

用功忽畧每常看書體認未真作文講貫不切  
大學題目做了中庸論語題目做了孟子一生  
在燈窓之下不明不白人都叫我做胡塗秀才  
末 豈不道小事胡塗大事不胡塗此位小朋友

高姓貴表

小生

小生王九齡

末背介

好古怪看

那小朋友面貌與王濟川無異姓名又與其子  
相同不信天下人材有這般偶然廝像的但未  
知何方人氏待我問他

問介

仙鄉何處

小生本

貫陝西末名貌雖似籍貫不同幾乎錯認了小

生乍會之間何生疑想末實不相瞞方纔見尊

容與我故友相似姓名又同爲此傷感小生敢

問先生高姓貴表仙鄉何處所謂故友者何人

末小生孫綱本貫涿州故友王濟川面貌與尊

容無異賢弟姓字又與他乃郎相同爲此致疑

小生先生旣與王公爲友必知其行藏如今王

公安在末荆湖從軍已十年矣其時乃郎尚幼

屈指計之目下與尊庚相彷彿小生若是這等先

生是他東家了必知其妻姓氏末怎麼不知他

妻是郭氏小生拜介襁褓之別歷履失詳若非

明教幾失瞻仰適間老叔所言即小姪也丑淨

客途邂逅偶得故人聚首可喜可喜末令尊在

荆湖從軍為何賢姪又改籍陝西小生悲介家

父被人誣陷在獄家母將小姪螟蛉與陝西商

人為子幸是同姓不改其名末彼此遠隔各不

相知可憐可憐小生小姪此行雖圖應試實欲

尋討父母下落且俟應試之後中與不中必往

荆湖未賢姪此去必然高中小生忝爲同榜丑

淨笑介

前程暗如漆方纔乍會那裡就知同中

了

未

是有個緣故十年前與他令尊和陳獻夫

往訪術士袁天綱相面說他令尊有遠戍之苦  
縲紲之寃十年之後與陳獻夫俱以軍功致貴  
說小生與王賢姪同榜進士那時王賢姪纔四  
歲今日偶遇說起來歷前言皆驗幸得與王賢  
姪同行應試正當十年之期爲此妄想不覺失  
言列位休怪小生若得如此則家父與陳叔必

有出身之日丑淨袁天綱乃術士之通神者他

許二公同榜定然定然未小生惶愧惶愧說話

良久有稽路程丑淨須索趨向前去未請行了

甘州歌出潛離隱正賓興多士道路紛紛天開文

運看取五雲輝映功名已際觀光會軒冕當懷拾

芥心合詞鋒利學海深青霜紫電不沾塵昌期近

喜氣騰春風頭角美崢嶸小生

前腔詩書典雅文論錦腸繡口波瀾滾滾青年英

俊都要披灑胸襟梅花香暖催乘驛桃浪春融快

問津合尋雲路奮鶚程扶搖萬里邁飛升登金榜

誇玉筍共期忠孝報君親丑

前腔龍頭屬老成苦工夫積累鐵杵磨鍼蕭蕭華  
髮那堪事業浮沉圖書跌宕悲時晚燈火青熒怯  
夜深合同行李少故人平生欵曲向誰論心傷昔  
眼望今新科仍是舊精神淨

前腔林雞混鶴群也隨行逐隊揚翰延頸文場鏖  
戰自覺才華通敏杏園高詠錦標新楓陛行瞻天  
表近合三千字五百英鄉評始信讀書榮南山豹



北海鷗從教變化動驚聞

尾聲向天衢平步穩飈車擬度月中輪又見劍氣

橫衝萬丈雲

喜赴玉京春

文聲起月評

長安花夾道

爭看綠袍新

第三十三齣

衆扮軍校捧冠帶上

將帥得人成遠畧英雄有淚奮鴻圖除秦破楚

功名會才費留侯一卷書我們是劍南道帥府

軍校昨夜飛報來說關西堡被胡虜攻城今早

奉元帥老爺鈞命着陳先生冠帶就調我們一  
千軍校隨他卽刻往彼征剿論功陞賞迤邐行  
來此間是他門首不免徑入且住前日是我們  
同輩今日是他統屬了不免下禮相見正是在  
他矮簷下誰敢不低頭陳老爹有請小外上

翠華引負劔先驅小試微名已次詮除竊得一枝  
聊寄還期翺躍天衢衆叩頭介小外列位俱我同

輩何故行此禮衆昨夜飛報說關西堡胡虜攻

城奉元帥老爺鈞命着小人們一千名卽刻隨

老爹往彼征剿特送冠帶在此請穿着了小外

冠帶介衆遍冊介 這是一千軍士的花名年貌

冊子小外看介且喜王濟川亦在數內此去功

成實致身之機會也既是這等請他出來計議

卽刻起程請介生上

前腔異地同儕相聚未知何事歡呼忽爾改觀頭

角兜鑿功業非孤相見介生且喜陳兄已冠帶了

恩出龍庭功存虎幄他年繫虜王頸以授轅門

此其階矣健美健美小外王兄豈不聞上馬能

擊賊下馬能作露布我和你的事業正在今日

何待他年生這許多軍士俱有匆匆之氣敢問

何也小外王兄兀自不知小弟方纔所言正為

此耳生願聞其說小外見有胡虜攻劫關西堡

城帥府着小弟領此千軍卽刻往彼征勦喜得

老兄亦在此數正好同心建功生古人云單于

寇我壘百里風塵昏雄劍四五動彼軍為我奔

既蒙陳兄提挈小生豈怯此行快去快去小外

軍士們去取兩副盔甲來衆迤生盔甲小外換

介内介 元帥老爺傳令從征官軍卽刻赴敵毋

得延緩 外軍務既緊衆軍士們聽我號令卽

刻起程罷挽弓當挽強用箭當用長射人先射

馬擒賊先擒王 衆逐句應介内介 關上飛報胡

虜見在四十里外燒劫民居勢甚猖獗 外既

是這等衆軍士可整肅隊伍殺向前去 衆吶喊

隨小外生作轉行介 不喊小衆

紅繡鞋霓旌天駟長驅長驅征聲銳氣盈途盈途

揚利刃控威弧清遠塞掃強胡 合手到處血模糊

手到處血模糊

並下淨扮胡將領衆虜上

前腔西戎威震邊隅邊隅衝鋒勢易摧枯摧枯攻  
鐵壘破金郭焚市井變丘墟

合前淨

咱乃西胡大

將骨朵兒木是也奉郎主命攻打中原世界昨  
夜已到關西堡城殺戮人民燒毀房屋不計其  
數所過之地望風披靡並沒一人敢來與咱交  
戰咱好快活好快活把都們這裡是何所在衆  
此處已過關西堡了離劍南城止不上四五十  
里淨既無攔阻可乘勢併力追殺前去衆應介

並下小外生領衆上

前腔中原赤子何辜何辜堪傷遭此燒屠燒屠揮

甲冑奮干戈俘虜長獻神都合前小外你看征塵

蔽野殺氣漫空胡虜想已來近了生我們且扎

住人馬小外敢問何故生以彼久疲之兵臨我

方張之銳不勞血刃敵可擒矣小外此以逸待

勞以靜制動之法也正是正是軍士們傳令下

去把人馬扎住一字兒擺定勿得擅動待他來

時然後交鋒衆應擺介胡虜上

前腔銅肝鐵膽雄徒雄徒張牙露爪前趨前趨好  
解頓打辣酥歌得勝醉穹廬

合前交戰擒虜介小

外軍士們傳令將斬獲首級計了數日生擒者

牢固綁縛解送軍門處決其有功之人各赴軍  
正司紀錄明白論功陞賞卽刻班師毋得擾害

地方違者以軍法論

衆應行介小外

四邊靜腥膻群醜凌疆域黎元屢遭阨玉帳運金  
符貔貅奮威力

合

不勞刃鏑須臾戰克歌凱振雲

鏡飛章奏王國

生



前腔玉驄纔試馳金勒披襟建奇績繫虜授轅門

干城倍生色

合前

破虜功成萬壘降

旌旗遙映蜀山蒼

聖朝隆爵頒恩賞

麟閣行收第一場

第三十四齣

貼上

轉山子自嘆紅顏多薄命恁孤寂長門秋風緊團

扇銷魂踈月映珠簾搖悶把鮫綃染透啼痕妾少

民家女十六入深宮箕帚不辭勞鍼繡非不工

前妾比曹大家文藝聊能通雖無絕代姿頗與儕

輩同宮中罕次序疏昵爲卑崇選妾今幾年未  
在宣召中蕭條金瑣寒蟋蟀吟西風蟲聲意能  
了道妾難言衷逝景迫朱顏惻惻覽青銅奴家  
自從前日縫紉續衣偶題一詩在內託物寓意  
不知着在那一個有緣軍士身上一向朝思暮  
想此心若有所感形于夢寐之間每日排遣不  
下如何是好 嘆介 昨夜奴家忽夢自身化爲一  
鳳立于殿下又見一鳳飛來與我和鳴交舞兩  
兩騰空而出不知主何兆也且待劉鄭二姐來

相與推詳之便見分曉 老旦旦上

薄倖

老旦

恨殺昭陽蓮籌聲永

旦

幾見金爐香燼

漫自氤氳

合

心愁如縷因時牽引

老旦

妾自至深

宮轉眼復幾春君王曾一顧形似兩未真歛如

夢中遇既寤求無因望望小羊車不碾永巷塵

旦

妾心與顏摧薄命難具陳含情立花底羞池

愧芳辰花穠會有謝奚必悲妾身但願君身強

長對如花人

相見介老旦

王家姐你連日紅光

滿面丰采倍常可喜可喜

貼

久處深宮常覺心

緒不寧神思困倦有何喜哉 旦 新愁舊恨料得

彼此同然身羈無可奈何之地只索排遣而已

貼 奴家夜來得一奇夢敢煩二位姐姐推詳 老

旦 願聞 貼 說夢介 不知主何兆也 老 旦 以鳳

求凰乃夫妻諧遇之象 貼 嘆介 身在禁中安得

有此 旦 天下偶然之事豈謂盡無先朝太宗爺

曾放宮女三子出去倘後朝廷亦有此舉豈不

應你夢兆 末 扮內臣上 追究縫衣女根求寓翰

情萬歲爺有旨 三 旦 跪介 末 示詩介 此詩是誰

所作縫在纈衣內為軍士所得昨日劔南道帥

臣具奏此事爾諸女之中曾作此詩者當直承

認母得隱諱

老旦

奴家劉氏如花素不識字未

嘗作此

旦

奴家鄭氏似玉素不識字未嘗作此

貼看詩驚介

奴該萬死

末

萬歲爺有旨饒你罪

責可將作詩之情從實道來

貼叩頭介

皇恩浩

大曲蒙原宥冒死敢言

三學士物類洪纖知牝牡自憐當永廢婚姻縫衣

偶爾傷時事故繆賦俚言意有存

扣頭

感荷王明

原昧蠢似朝陽照覆盆

未

萬歲爺有旨宮女王慧

姬賦詞瞻麗造意温醇雖寓懷春之私不忘厚

別之道事固弗詢情實可矜伊欲結後生之緣

朕爲諧今世之配特賜放出宮着兵部量備衣

飾差人護送至劔南道給與冠帶軍士陳時策

爲妻謝恩

貼叩頭

萬歲萬歲萬萬歲

未

王家姐

你真是大造化可賀可賀

前腔欽賜姻緣成合色祗爲恁義重人倫續衣詩

句通芳信恰正與御水流紅美並論此去巫陽雲

雨近王家姐你那時節呵要晨昏感聖恩 老旦旦

**前腔** 卿家夢兆真有準 末 他又得何夢 老旦旦 隨

一鳳自化鳳群翱翔雙出宮城外 末 這是夫妻諧

偶之兆也 老旦旦 須信是應在前生繫赤繩 悲介

王家姐我們和你相處幾年情同骨肉今日呵驟

爾分携情豈忍恨聲吞淚雨紛 貼

**前腔** 託物鳴衷誠可晒誰承望感動明君推恩錫

類成吾願 末老旦旦 王家姐你今日之事曠古奇

逢 貼 可知道從來事罕聞 悲介 二位姐姐奴家此

別後會無期好苦執手相看心隱隱從今後可望

雲山日幾顰

未

人生聚散自有定數何必苦楚王

家姐作急收拾出去

青鸞飛入合歡宮

紫鳳啣花出禁中

不是續衣詩句好

那知雲雨在巫峰

第三十五齣

外上

上林春思遶風雲光依日月司文柄棘圍方撤門

墻桃李芬芳盡是知名之傑北望天門拜冕旒文

光遙映五雲浮董生獨對天人策應慰王明如



渴求下官乃翰林學士是也職居鼇禁名重鑾  
坡黼黻皇猷繼先王之統緒文章大筆爲後進  
之規模馳道駸駸堪誇獨步講帷濟濟可信知  
名金馬玉堂夢熟黃梁富貴冰駢雪碗才優青  
瑣精神朝登瀛洲暮賜蓮炬銀鈞勢壓蛟龍榜  
玉佩聲聞虎豹關奉命省闈校文率領中試舉  
子伺候臨軒策問衆舉子早來

小生未丑上

紅林檎千佛經中名列喜氣盈頤頰鳳詔錦袍期  
奪嚴蹕聽初傳鹵簿胥陳設青雲隨步朝金闕各

要把此衷竭

小生

射策金門拜冕旒

末

仙韶音振

日華浮

丑

縱橫禮樂三千字

合

盡吐忠貞應詔

求

小

吾輩禮闈中試且喜成名

末

今日廷試各

陳所見以備采納

丑

聖駕已陞殿了

外

廷試諸

生不得近前只此敷對

小生

末丑跪

介

外皇帝

清問人君致保邦之道固非一端諸士子勿學

壯行必有得其要者各勵言之毋泛毋畧

小生

臣對臣聞爲政之道務在于得民感民之幾不

外乎尚德欲宣大化當法先王耳

風入松唐虞三代本摩漸至於今爲憲伏願皇上  
祖述堯舜憲章文武裁成輔相能無欲使斯世斯  
民丕變竊惟德之流行速於置郵而傳命民之感  
化淪于肌膚浹于骨髓不識不知順帝之則無爲  
而天下治矣美皞皞功歸自然保國祚固如盤外  
左邊舉子有何策畧上前敷對未臣對臣聞爲  
治必先于愛民而愛民又先于節用用足則本  
固本固則邦寧矣

前腔彌綸天地位相參念下民皆墊伏願皇上目

擊時艱躬行實政輕刑薄稅崇恭儉及土木遊畋  
胥免竊惟得乎丘民而爲天子國無興作則民不  
勞國無征求則民不困衣食足而後教化行禮義  
明而後知親戴其長上矣感德澤真同海涵指日  
見奏韶咸外右邊舉子有何策畧上前敷對丑臣  
對臣聞國家之患在乎北虜而經理之要急于  
預圖圖之有要則虜可制而患自止矣

前腔作民元后宰中原在華夷當辯竊唯禦外侮  
者必主于內修目今胡奴犯境呵和親不足以結

其好歲帑不足以釋其貪野心狼子慾無饜伏願  
皇上居安思危以圖治于未然要足食足兵防範  
武備既修邊方自固順則綏之以恩逆則示之以  
威使知得天王分嚴永稽顙向天南外諸省元之

策條對詳明識見超越皆用世之才也天顏甚

喜就有玉音傳降小生末丑多謝老先生提携

生淨扮內臣旦貼扮女官捧冠服衆作鼓吹上

滿園春彩筆光生日正暹臚傳楓陛動觀瞻青瑣

名香丹墀恩寵朱衣頭點生奉聖旨王九齡策意

以德化民是欲致于王道誠宰輔之器也特冠

多士可第一甲第一名賜進士及第授翰林侍

講小生叩頭介臣伏蒙聖恩無任感戴生孫綱

以節用愛民立議深得濟時之畧可第二甲第

一名賜進士出身授監察御史未扣頭介臣伏

蒙聖恩無任感戴生錢買的意在安邊謀尊國

體占之他日能當一面之寄可第三甲第一名

授兵部員外郎丑叩頭介臣伏蒙聖恩無任感

戴生鴻臚寺具鼓樂送狀元歸第謝恩小生未

丑換冠帶謝恩介  
萬歲萬歲萬萬歲  
小生

三段鮑老催柴桑素寒分合章終身自淹文升御  
覽幸登庸榮生陛廉天衢馳騁誇先占英雄五百  
稱豪瞻似荆山玉鬱浦珠豐城劍靈光瑞燄乘時

現

合

長安夾道花欲然春風十二珠簾面

末丑

前腔神龍出潛際風雲飛騰廣淵青錢中選泥金  
信鄉間喜談幾年文價光磨閃一聲霹靂乾坤撼  
看蟾宮步雁塔名瓊林宴八珍異饌天厨薦  
合前

滴滴金

外

宮袍柳色新醇染杏花歡聲壯吟膽玉

驄蹠躩康莊逼近嫦娥依袞冕瑜瑕不掩紅香十

里人青眼人青眼追踪晁董何忝

合

雙聲子功名會功名會造物從公典胸襟展胸襟

展事業期弘遠榮兩監榮兩監須黽勉須黽勉効

夔龍匡贊斯無圭玷

餘文都俞吁咈黃金殿誰不慶當今文獻好把崇

功振兩間

龍旂姓字動長安  
九陌人人走馬看

聖主勃興圖治急  
早輸抱負濟時艱



第三十六齣

未上

趙皮鞋服役在公門差使日紛紜南北東西走似  
騰沿途不怕盤詰問自家是兵部一個軍校蒙正  
堂老爺奉聖旨着本部備辦衣飾護送宮女王  
慧姬到劔南道配與軍士陳時策爲妻批差我  
去批上有脚夫朱快官婆田氏卽刻就要起程  
不敢遲悞脚夫官婆走動丑淨內應上  
大齊郎奉公文不拘旱共昏登山涉水冒風塵這  
番勞碌豈勝論劔南迢遞又得來往十餘旬

見介

未 你是田氏 丑 老身便是 未 你是朱快 淨 在下

便是 未 本部批文已領只等你們到了請出官

女上路 丑淨 事出官差勢不容緩長官就此起

程罷 未 田媽媽你去請王貴人出來 丑 做請介

貼上

西地錦 自分終淹宮壺誰期勅賜連姻雲山此去

知遙近依稀是夢中身偶寓纊衣詩竊比題紅葉

紅葉締良緣衣亦成姻業物雖不爾同先後均

一轍感沐君恩深皇圖願如結 見介未 告貴人

知道天色已明請收拾上路賅勞你衆人不當

穩便且到劔南自行相酌衆俱是官差何必計

較貼收拾已完只索起程罷行介

朝元歌纔離紫宸平步蓮鞋穩白霧黃雲遶壑漫

山滾淡月踈星殘輝隱隱追憶昭陽宮嬪數載同

幽知心劉鄭惟二人從此斷音聞淒清實可矜合

山遙水永何處是劔南之郡丑劔南之郡王貴人

前腔幸恁初離機穽如魚脫餌綸此去勝南金得

効于飛鴛鴦交頸願取情隆合豔鳳瑟鸞笙和鳴

白首無替陵竊美戍邊軍綠深諧此親

合前貼

前腔堪美浮蹤不定行行過幾村四顧景氤氳目

斷萱荆盈腔離恨

取珠看介

都是明珠牽引遠聽

前林數聲啼鳥驚我心行役苦生顰茫茫將斷覓

合前末淨

前腔遙向天涯投奔晴光蕩紫氛觸景思難禁行

李一肩回期無準漸覺形疲神困忽見河濱漁樵

彼此賡唱頻烟暝日垂曛歸鴉追及羣

合前

尾聲去心忙行步緊望中河岸度城陰今夜古驛

孤檠暫駐輪

貼

這裡是何所在

未

此是潞州禿亭

驛了天色已暮請王貴人進去安歇明日早行

貼

正是這等

失珠介

御命連姻向劔南

可知人在五雲端

今宵古驛愁相對

炊盡黃梁夢怎酣

淨上

人無橫財不富馬無夜草不肥今日挑了

行李走了一日不勝勞倦方纔見那宮女懷中

落下一物不知是甚麼東西一時人眾不好拾

得如今安置他們坐地我假託登東獨自出來

尋取多少是好拾珠介阿呀我道甚麼東西原

來是一顆明珠想在宮中偷出來的我拾他雖

沒用處且帶回去換些酒肉吃也好正是踏破

鐵鞋無覓處得來全不費工夫下

第三十七齣外上

鳳凰閣將星明現赫赫中原垣翰張皇鈇鉞奮威

權大纛高牙掣電整頓江山聽轅門凱旋玉樓春

蟠胸萬甲英雄氣宣勞制閫驅天驥三秋風色

繡裘輕千里霜威金斧利西陲保障憑忠義會

布王明勤恤意月高犬吠自安居天盡貔貅無  
警勢下官乃總制劔南道軍務大元帥楊韜是  
也素抱朴忠蘊濟世經邦之畧幸叨科甲傾捫  
天捧日之誠薦陟崇階允肩重寄折衝千里張  
國家九伐之威決勝萬全奠山河四維之固敢  
自偷安于幃幄益惟補報于涓埃每懷後樂先  
憂殊甚夙興夜寐效虞庭振旅舞干羽以來不  
臣如周室修文歸馬牛而示弗用正是劉琨坐  
嘯風生苑謝眺裁詩月滿樓向有胡虜攻打關

西堡城隨遣冠帶軍士陳時策領兵一千赴彼  
征勦不料他有新到軍士王楫協力奮戰遂能  
克敵已將此功飛奏朝廷了待旨意下來定有  
陞賞

小外生上

步蟾宮

小外

平胡功就返金羈山倚秋空劍氣寒

生

姓名上逮建章邊行看稽顙皇宣

相見介外

你

二人奮志勤王不負遺大投艱之託宣威克敵  
足徵長驅遠馭之材他日分節制于三邊寄于  
城于萬里此其選矣下官不勝欣幸

小外生

某



等器非弘遠幸荷提携謀本迂踈悞塵任使竊

效些須之力偶成尺寸之功過辱吹嘘奚勝愧

悚外前日報捷之後已將你二人功次飛奏朝

廷去了不日旨意下來定有陞賞小外生叩頭

介感謝元帥不盡左右介稟老爺知道朝廷勅

使到了外叫中軍官快排香案來迎接小生捧

詔上九虎天關明日月五雲丹鳳下絲綸皇朝

特重安邊計寵錫恩榮報懋勲聖旨已到跪聽

宣讀外小外生跪介小生皇帝詔曰朕惟為國

求賢固大臣協恭之道論功頒賞尤當宁旌勸  
之機邇者總制劔南道軍務大元帥楊韜奉稱  
冠帶帶俸官校陳時策叅謀軍士王楫秉心赴  
敵合力宣勞殄滅凶殘事同拾芥肅清土宇勢  
若轟雷歡聲洽于萬夫勝氣橫于千里用彰懋  
績宜錫殊恩茲特授陳時策爲平虜將軍分鎮  
劔南東道王楫爲靖虜將軍分鎮劔南西道仍  
聽大元帥節制其餘有功軍人每功給銀五十  
兩充賞謝恩 外小外生叩頭介 萬歲萬歲萬萬

雙珠言  
歲小生相見介外叫左右的請過聖旨分付中

軍官安排酒席管待天使小生復命緊急不敢

久稽就此告別了使節尋常銅柱外天威咫尺

玉階前下外二位昨是軍中戍士今爲闔外命

臣勢分相懸恩榮可羨叫左右的取冠帶過來

換了左右逆冠帶小外生換介某等本葑菲下

材一旦蒙朝廷嘉典自非大元帥援引之力安

能至此受恩感激激撫已戰兢拜介

皂羅袍竊忝元戎推薦使駕駘策勵驟爾驅前戰

兢殊覺切冰淵枕戈衽革惟黽勉合文章炳煥簪

纓燦然宣威耀武千城允肩從今謾把經綸展外

前腔喜得英雄三箭定天山仍舊鞏固如磐諸蠻

無事樂耕田春風和氣中原遍合前貼丑末上

謁金門貼題續怨不道遂諧鸞選幸荷昭陽恩命

遣特地尋仙院丑末雲擁嫦娥離月殿今日星郎

歡忭合涉水登山來路遠緣情應不淺未告貴人

知道此是劔南帥府了喜得府門正開不免進

見左右白見介未小人是兵部差來的奉聖旨

護送宮女到老爺麾下賜與冠帶軍士陳時策

為妻

貼叩頭介外

你就是作詩在纊衣內的麼

貼

奴家偶拂鸞牋幸諧鳳侶雖蒙聖天子推恩

之命實本人元戎核實之章奴家不勝感愧

外

看你儀容雅飭翰墨清新誠女中之傑出者也

昔為宮姬今為命婦亦無忝所生矣吾當以禮

相待

指小外

這是陳將軍

貼見介外指生介

這

是王將軍

貼見悲介

那將官好似我哥哥模樣

生悲介

那宮娥好似我妹妹模樣

外

朝廷賜與

陳將軍爲配你兩下裡素未相識爲何下淚生

卑官有數年離怨故觸目驚心偶然傷感背哭介

園林好止不住盈盈淚連禁不過衷腸痛煎細看

貼介那裡有恁般顏面與我妹並嬋娟苦雙眼注

將穿貼背哭介

前腔猛省着鵲鴿在原瞥見了荆花舊妍細看生

介難信道形容皆變語音在似當先把骨肉意空

懸小外

忒忒令這宮娥愁容可憐平白地淚拋如霰又看

貼介

細覷他行藏舉止如曾見莫不是夢中相善

枉教我詳顧盼費躊躇想不起是何年

外

前腔

見他們眉攢翠尖聽他們悲聲吞嚥兩下裡

似嘗聚首生纏綵這幾微令人難闡祗落得心悵

快淚潺湲驚耳目起猜嫌你兩下裡倘有真情各

宜實道勿得隱諱徒生饒舌

生

卑官有一妹向

被選入宮中絕隔數年適見宮娥年貌相似故

此感傷

外

宮娥你是何姓名籍貫那裡上有兄

否

貼

奴家王氏慧姬原籍涿州有兄王楫見在

荆湖從軍外若是這等王將軍正是你兄了生

阿呀果然我妹妹貼天那正個是我哥哥生貼

近哭介

尾聲同枝落落遭時蹇詎料今朝趙璧完信是骨

肉悲歡意各專小外軍旅之中非哭泣之所賢兄

妹請省愁煩且到私宅再叙親情外因寓詩而

成夫婦之禮因行禮而合兄妹之情曠古奇逢

于今罕見難得難得叫中軍官取鼓樂轎馬送

陳將軍回去成親左右介生小外貼謝介



勅降仙姬下九重  
笑啼交集叙行踪

今宵各把銀缸照  
猶恐相逢是夢中

第三十八齣  
生小外貼丑吊場

眾扮樂人淨扮賓相上送行介左右  
此是衙門

首了稟老爺夫人請下轎馬  
眾介淨擯相磕頭

稟老爺行禮  
小外軍旅之中凡百不能周備你

可從簡些  
淨得令  
西江月絳燭高燒華屋瑞烟

香噴金爐五雲遙映錦模糊  
褥隱芙蓉滿座屏

展花叢孔雀圖開鳳集高梧玉人此日結絲蘿

欣幸風流無數請老爺夫人拜天地 小外貼拜

介淨

西江月 契合翠鸞好夢 賁綠紅葉良媒 昭

陽恩出聖心 推千里神交成配路 入桃源爛熳

橋橫銀漢 昭回巫山雨漫碧 崔嵬此際歡娛爲

最請老爺夫人望闕謝恩 小外貼拜介 萬歲萬

歲萬萬歲 淨 老爺夫人交拜 小外貼對拜介淨

請王老爺受禮 小外貼拜生介淨 伏以古者制

禮婚姻非受幣不交今也從宜男女以及時爲

尚肆在黃華之候爰修紅葉之緣 秦晉同休成

兩姓綢繆之好朱陳媿美締百年嫵婉之歡鳳  
鸞佇聽于佳占烏雀歡迎于巧夕今日乃正倫  
之始此時爲倡道之初琴瑟相調葭莩共倚宜  
其室宜其家允矣蘋蘩之潔俾爾昌俾爾熾願  
言蘭桂之芬請老爺夫人就席 小外遊酒介

畫眉序 燈月照佳期 菴畫堂中繡筵啓喜仙姝今  
夕共挽紅絲風光在珠翠叢中和氣滿笙歌聲裡

合 一詩感動宸衷憫成就百年姻契 貼

前腔 天向此中移千里 覓交似魚水且杯銜合卺

喜色盈頤妾應慚跨鳳嬌娃郎何忝乘龍佳婿合

前生

前腔冰玉兩相輝此會須拚共沉醉把霞觴酬勸

笑語怡怡正堪誇玉帛縱橫還可愛絲蘿依倚合

前衆

前腔香霧噴金猊珠履三千艷羅綺美室家相稱

琴瑟相宜晚粧餘鏡掩紅鸞酣飲處樽浮綠蟻合

前生酒多了可把席面撤去且將家事一講衆收

介貼哥哥奴家入宮數年如隔塵世不知母親

一向安否 生悲介 我在荆湖久未得見可問妹

丈便知端的 貼 相公既知家母消息乞見教一

番 小生 夫人聽我相告

江兒水 別後兵戈起金湯頃刻危生民塗炭難逃

避至親轉輾皆離棄 貼 驚介 曾見我家母麼 小外

亂軍中見恁老母同韓姊匍匐崎嶇之地 貼 好苦

我母親那曾受這樣驚恐後來怎麼 小外 此後音

稀未審更棲何處 貼 哭

前腔 聆此驚心語令人倍慘悽不覺魂飛魄散難

存濟我那娘呵最苦是桑榆遭末世頽形寡跡知

何寓願死相從無計只隔烟水雲山母女一般愁

緒生 妹妹不必哀傷待我差人多方打探下落便

了貼 哥哥在荆湖從軍何由到此做官生 悲介

一言難盡貼 願聞其詳生 妹妹我到那荆湖呵

五供養命宮臨否驀遇姦雄調侮吾妻你嫂嫂不

從我與那人爭毆一場就遭他鼠牙并雀角險健

構虛詞貼 他告哥哥甚麼生 誣告我殺傷本官長

官律該絞罪貼 雖則如此問官自有公道生 咳說

那問官怎麼羅吉偏私鍛鍊成招擬死貼那時嫂

嫂姪兒不勝苦楚生你嫂嫂料我必死先把我孩

孩兒螟蛉為客嗣自盡太和嶠貼悲介嫂嫂棄了

姪兒先去自盡可憐可憐生死別生離心如刃錐

貼以後哥哥何由辯脫此罪生朝廷因北斗之

變特頒大赦我得免死調衛到此不想正遇妹

丈同往勦賊有功得拜官爵貼相公你素稱大

儒何不應舉乃在此處立功小外夫人聽我相

告

前腔兵荒極矣城郭丘墟靡有子遺那時東奔西  
走無計資身只得棄文就武來到此間轅門爲旅  
士仗劔効驅馳我與舅舅同去勦賊戮力衝鋒克  
敵功奇蒙元帥將此功申奏朝廷舅舅授靖虜將  
軍下官授平虜將軍沾恩同拜爵分鎮道東西今  
日不惟我夫妻得合又喜你兄妹相逢骨肉悲歡  
交并此時

尾聲

貼

纈衣若不藏詩句

合

那得相逢慰所思猶

恐音容真夢裡

生

妹丈你記得袁天綱之言否

小



外所言皆驗毫厘無差貼既有此說請言其詳

生當初在家之時術士袁天綱相我遠行遇難

當重刑而貴相妹丈飄流邊塞以軍功而貴貼

果然皆驗得非神僊之流耶小外不只此事我

與夫人成婚奇遇也曾斷過貼若是這等奴家

與相公姻緣皆由天數小外舅舅還記得一言

士否天綱勸我和你不由黃甲出身今果然矣他

又斷孫天彞與令郎同年進士豈不應乎生若

前據前事已准則小兒與天彞必有好日子生

談玄術士決將來

妙應於今豈浪猜

萬事不由人計較

一生都是命安排

第三十九齣

丑上

醉落鳧資生欲覓蠅頭利懸帘市酒爲恒計筭來  
強似荷鋤犁也覺得便宜老身在京城西市開酒  
肆幫我姓兒營生不想我妹妹與媳婦來此求  
得袁天綱法力招致七僧到我家飲了兩缸酒  
朝廷知道差內臣來宣他他化作清風都不見  
了次日司天監官奏稱北斗不見想就是七僧

變化了虧殺袁天綱奏勸朝廷大赦天下死囚  
因此我甥兒王濟川改調邊衛又不知何地方  
放心不下終日被他婆媳婦兩個在此啼哭  
一個思量兒女一個思量丈夫老身時常勸他兀  
自不肯寬解可憐可憐今日閒暇不免請他出  
來消遣一番多少是好 斗請介老旦旦上

海棠春黃耳久忘機聚首長吁氣 相見介丑 妹子

甥婦王濟川遇赦已得生了你兩個何苦啼哭  
老旦旦 雖得免死調衛不知何處遠近好否為

此傷感 丑 說那裡話我看你

羅江怨 颯颯鬢已絲斜陽易西豈應旦夕兒女啼  
人生能有幾期順也甥婦你過來若論你事姑之  
道就養無方不但供甘旨 且 婦人職主中饋不供  
甘旨還有甚的 丑 元來你不知道當初老萊子孝

奉二親呵斑斕戲舞衣斑斕戲舞衣祇爲着娛親  
意生離死別都有定數從今已後做婆婆的自當  
寬解做媳婦的須要小心承順才是 老且且

前腔 終朝嘆別離難舒兩眉 丑 事出無奈徒傷也

何益 老旦旦 衡陽迢遞歸雁遲令人注瞬向天涯

也悶上心來痛若傷流矢哀至淚生情不容已當

初韓娥之齊鬻歌假食聞聲一里悲聞聲一里悲

哀衷不比含辛淚 淨上 有地岑成岳無根草不春

甘橫財終日有豈富命窮人自家是軍餘朱快前

日蒙兵部差送宮娥往劔南到褊亭驛前那宮

人娥失落明珠一顆被我拾取回來沒有用處將

去酒肆中換些酒食醉飽不枉這場辛苦 行又

住介 且住這件東西元是宮中之物倘被傍人

看破反惹是非不當穩便惟西市韓家最好那  
媽媽時常見我指引些主顧作成他並不和我  
計較不如逕往他家罷迤逦行來此間就是

介丑

朱快你手中拏甚東西

淨

是一顆明珠

丑

要他何用

淨

實不相瞞連日沒有生意將來換

些酒肉吃

丑

拏來我看

淨

迤珠

丑看介

妹子你

看這珠好像你嫁時之物

老旦

物之不齊物之

情也不信有這等事

旦

或者偶然相像婆婆須

用仔細看

老旦

看珠

悲介

催拍忽觀明珠舊輝頓驚心不覺涕洟

淨

這珠是

遠來之物只恐不是你家的

老旦

雙雙隨嫁

淨

元來你的珠是兩顆如今爲何只有一顆

老旦

有

子從軍贈向邊陲

淨

還有一顆却在那裡

老旦

有

女之京贈入宮闈

淨

雖是這等你不要錯認了

老

旦親手製線組纍纍分明是復何疑

旦

這珠莫不

是婆婆與我夫妻的

老旦

不是這正是與你小

姑帶入宮的已及數年不知那人從何得來

丑

你把這珠來歷從實一說多換些酒肉與你

淨

列位奶奶聽我告稟

前腔我本是公差健兒送宮女劍南乍回那宮女

在禡亭驛前失落這珠我便拾取老旦你既送他

去必知何方人氏姓甚名誰淨是涿州王慧姬老

旦悲介天那正是我女孩兒了爲甚麼官差你送

他去淨託物傳情續服縫題老旦他題詩在續衣

內後來怎麼淨那詩分在一個軍士元帥知道了

申奏廷朝感動宸衷勅賜于飛朝廷見了這詩不

只是饒他罪責反給與那軍士爲妻三旦也是傳



聞恐不端的淨親眼見端的無欺三旦不信有恁

般希罕之事淨如此事古來稀老旦

前腔荷得皇天鑒茲於吾女不遽愁遺丑我甥女

雖嫁個軍士也得遂室家之願了老旦遲歸幸有

時豈料囚凰脫此金羈克遂和鳴其羽差池今日

裡骨肉驩虞相慶幸免嗟咨旦

前腔悵憶雙雙繫珠昔姑氏分遺兩兒這一顆呵

今朝得所歸小姑有了信息已慰親顏甚解憂思

那一顆呵在九齡孩兒處更適遐方畢竟何之哭

介方纔見物是人非怎禁得淚偷垂丑我曉得了

婆婆見這珠添得一喜媳婦見這珠添得一憂了

前腔論憂喜出于秉彜在物情尤宜類推雙珠逢

百罹兄妹多艱彼此分携旦此珠一在一亡不能

無感丑合浦終還緩速難齊甥婦不必愁煩看此

物既著神奇如趙璧有完期淨伺候長久韓媽媽

打發我去罷丑小廝取些酒肉打發朱快去淨

怕一頓用不盡許多丑後次再來淨謝介

明珠今日報佳音  
水遠山長無計尋

莫向杜鵑啼處說  
不關愁者也消寬

第四十齣 淨上

富貴從來別等倫皆因造化不均匀有福之人  
人伏侍無福之人伏侍人昨日將明珠與韓媽  
媽換酒肉吃了受用不盡今日正要去找帳再  
吃他些東西誰想兵部新任錢員外老爺撥差  
我跟隨翰林王侍講老爺我們錢老爺是王老  
爺同年進士見他清冷衙門乏人使用故着我  
來伏侍正是往役庶人義官差不自由只得任

在此伺候 小生上

縱山月富貴逼人來視昔誠霄壤天涯雙皓首夢  
倚門間望臨江仙乍預曲江聚飲坐先玉筍諸英  
鳳池隨步路塵清雁行聯北塞鷗浪破南溟十  
載依稀成一夢此身雖在堪驚幾番搔首憶飄  
零風寒紅葉落山障白雲橫王九齡忝中狀元  
官授翰林侍講且喜驥足先馳鰲頭獨占榮適  
如志流官罕比只是雙親淪落天涯未知消息  
昨已上表辭官欲往荆湖尋取下落料聖天子

以孝治天下必准此奏待旨意下來打點前去

看珠悲介 珠你出于蚌胎留于龍領或能媚川

或能照乘今而流在我手終于埋沒那再有光

明之日可憐

解三醒歎明珠當時懸項又不是韞櫝而藏十年

旦夕相偎傍若左右就高堂珠你夜光何事偏投

暗合浦無期得復還哭介空思想雖知物是人在

殊方淨低聲介這顆明珠比我前日拾的恰似一

般更無二樣小生朱快過來你見我看這明珠

爲何自言自語淨老爺問及豈敢隱諱小人向

蒙兵部差往劔南公幹路上拾珠一顆與老爺

手中的相像其間有個分離緣故適見老爺有

覩物思人之意爲此傷感不覺失聲望乞恕責

小生

我不怪你且說有甚分離緣故淨既是這

等小人大胆敢借老爺手中明珠一看便見分

曉看介阿呀

前腔覩明珠果然相仿

小生

你那拾的知是誰人

之物淨

王姬物兩顆聯光

小生

既是雙珠爲何又

拆散了淨 祇緣兒女難廝放分贈別去遐方小生

他兒女往何處作何勾當淨 兒從補伍荆湖往女

選宮娥赴上陽小生 雖則相似怕不是一樣的淨

同一樣垂紉繫組製度端詳小生 既同一樣可取

那顆與我看淨 那珠雖小人拾的今在韓媽媽

家裡小生 你纔說是王老嫗分贈與兒女去了

爲何又在韓家淨 那珠是小人拾取宮娥王慧

姬的拏去韓家換酒吃不想韓家妹子王媽媽

見了那珠啼哭起來小人問其緣故方知宮娥

正是他女兒荆湖從軍的正是他兒子小生悲

介天下有這等偶然之事那媽媽還說甚的淨

那媽媽知道女兒蒙朝廷賜與軍士爲妻即時

轉悲爲喜媽媽有個媳婦反啼哭起來小生又

是爲何淨因見那珠不是丈夫原物思想孩兒

沒有下落叫他名字放聲啼哭因此小人知其

委曲小生他孩兒叫甚名字淨小人不敢說小

生但說不妨淨好古怪他名字又與老爺尊諱

相同小生他也叫王九齡淨正是小生他家在



那裡淨只此城中西市賣酒原是涿州人氏數

年前避兵來此小生驚哭介天下事情怎麼有

這般相像的可憐可憐淨老爺不必煩惱若要

的真待小人去喚那三個婦人來當面一說便

見明白小生休胡說只因你的所言偶與我的

所思相合故此傷感朱快你聽我分付淨老爺

有何使令小生你就將此珠再到他家與那媽

媽一看又說換酒看他有甚言語我只在孫御

史老爺衙內坐下急來回報淨孫衙也近西市

小人領命就

未上

西地錦楓陛新瞻天仗蘭臺入手風霜繡衣白簡  
期寅亮台斗夜吐光芒聖主崇儒術賢才翼帝躬  
立朝防觸豸行路避乘駟筆底甘棠露臺端古  
栢風鈞衡真事業接武有夔龍孫綱忝中王九  
齡榜進士名在二甲傳臚官授監察御史今日  
輪直收掌諸司奏章見王九齡一本辭官尋親  
聖上不准特來報知

見介

殿元班馬文章夔龍

禮樂開經濟于一時寄纂修于千古人生至此

真丈夫矣欣美欣美小生孫叔與小姪禹門共

躍周制同榮皇都聯故舊之歡宦籍擅功名之

美可謂遂所願也但雙親有故十載無聞悲介

終日之間愁腸九轉教人如何是好末殿元且

免愁煩下官早間輪受奏章見殿元棄官尋親

一本奉聖旨王九齡所奏情雖可矜職難擅離

既云親有定在止合迎養查無此例不准所辭

西小生哭介哀哀父母生我劬勞聖上不准此奏

則劬勞之恩何由能報末殿元不消啼哭此事

有何難處你一面安心供職一面差人迎請二  
親就是小生家父母是補伍軍人急切不能來  
此况路遙別久存亡未知小姪願棄此官逕去  
尋親便了未凡人未登仕途由得自家主張既  
有官守則進退不能綽綽矣自當遵法勿得任  
情小生小姪豈不知此但心中急于尋親何卹  
其他

高陽臺序 怙恃惟隆乾坤罔極蓬蹤兩地飛泊乍  
忝成名忠孝豈應乖角未父子主恩君臣主敬你

若為恩而去其如敬何可請自加裁度 小生 曾度

明王以孝先天下怎說得慕親為錯論綱常忠由

于孝何須適莫 未 殿元下官忝為世交頗知你父

子之事

前腔淪落月暗螺岡雲深鶴禁音容彼此寥廓 小

生 古人一日養不以三公換小姪尚未識父母顏

面而况于養乎此心如何不痛 未 無傷有個古人

可比方你 小生 願聞 未 漢驃騎將軍霍去病生而

不知其父後擊匈奴道出河北始得與父相逢傳

舍歡迎仍遂膝前娛樂你如今爲朝廷命官拘縛  
須知此身縻宦籍况又在文章臺閣殿元看王言  
如綸如綽奉依當恪小生孫叔小姪此舉亦曾考

古證今未請道來小生

前腔探索祖子旁求朱卿歷訪都是孝思先覺富  
貴忘親實爲教中夷貉心作墨徒之愛由親始在  
吾儒顧安其薄古人一舉足而不忘父母小姪身  
非出于空桑頂冠束帶立于天地之間列于縉紳  
之末錦衣玉食未識父母何等顏面謂之人子可

乎便做到紫閣黃扉何益于事我效他們掛冠解

綬棄茲銜爵

未

前腔你落莫十載飄風兩萍浮海行藏未保如昨

小生

因是這等小姪親自要去尋取

未

聖上不允

你若去了方命違君暴虎自拚徒搏

小生

此心若

得少盡雖得罪于朝廷亦所不辭

未

言有可從事

有當重殿元不要差了念頭關鑰忠言逆耳須斟

酌利於病怎嫌毒藥處事權宜不獨在你爲然雖

古之豪傑個個皆如此看他們時初未遇跡能脫

畧

尾聲 芻蕘不擇希然諾

小生

攸行恐負平生學

今

忠孝惟人務先著

小生

今早小姪正要造謁反辱

先施今隨孫叔同去聊申拜意乘便訪一鄉曲

未

如此請即同行

聞道有鄉音 乘時獲千金不可得

眼望旌捷旗 耳聽好消息

第四十一齣

老旦 旦 上

玩仙燈 信杳鴻魚姑婦久發居傷至親倏傾泉世

雙朱已 下七十四



恨此孤身似風飄絮望斷關河家園何處長相思

老旦 經跋涉傷跋涉中道分離成永訣此恨何

時滅 旦 將剖說怕剖說贏得鶯啼紅兩頰誰知

腸欲裂 老旦 媳婦我和你以孤寡之身處亂離

之境正好在此相依度日不料昨日韓姨暴疾

身亡 悲介 教人如何是好 旦 婆婆韓姨在日十

分安慰他今棄世頓覺淒涼了 老旦 前日因得

明珠已知女孩兒信息少解愁煩但你夫和子

音耗未通好生放心不下 旦 遠隔天涯久違人

願彼此遼絕如隔塵世正是天入五溪無雁過  
地經三峽有猿啼只索忍耐罷了

淨上

爲人謀

而當忠終上事之謂義方纔王老爺差我拏這  
明珠往韓媽媽家探問來歷着我先行他便自  
到孫御史老爺衙內坐待回報我想王老爺與  
這媽媽定有些瓜葛迤邐行來此間是他家了  
不免逕入

見介老旦

朱長官我前日許你相謝

爲何不來

淨

有些公幹未得領命且請韓媽媽

出來說話

老旦

他昨日已沒了你兀自不知哩

淨咳隔得一日有此變故可傷可傷出珠介我

另有明珠一顆再要換些東西怎生是好老旦

這珠又是那裡得的借我一看取珠看介天那

又是一個古怪淨前日那珠是我拾的不打緊

今日這珠原有主的不要錯看了老旦這珠也

是我家之物緣何又在你手可說個明白淨有

些來歷不好輕言你且仔細猜一猜老旦悲介

好苦物雖見在言則可疑他不吐真情只得試

猜一猜

紅衲襖莫不是有人遺在路岐淨不是老旦莫不

是向經商相易取淨不是老旦莫不是素往來報

此代瓊琚淨也不是老旦想他狼狽難賦歸與先

繫燕足託渠傳寄淨也不是老旦哭敢則是窮途

橫禍不幸身填溝壑也畢竟委却明珠伴土蛆淨

老奶奶你都猜不着旦婆婆可與奴家一看淨

正是正是小奶奶一看定有分曉旦取珠看哭介

前腔珠我和你赴荆湖曾與俱淨爲何帶這珠去

旦荷姑璋贈別後會期歸此淨怎又失了旦爲良

人遭誣當刑市發哀誠直陟太和嶼淨上去何幹

旦明夙志自行捐軀因此上把兒先棄繫明珠寓

意如初屈指十有餘年也豈是數極機通還洛渚

老旦出珠比旦珠介 朱長官你看兩顆珠是同

樣的麼淨 正是一對 拜介 太夫人 拜旦介 老夫

人小人不知故此塘突不要見罪 老旦 我家雖

此有兒孫流落在外不曾做官何必如此稱呼禮

拜你只將這珠來歷說知詳細免得猜疑淨 這

是我們老爺差小人拏來尋問二位夫人下落

旦你老爺是何人必須說個明白淨二位夫人  
聽小人告稟我們老爺呵

前腔本是蘊經綸年少儒今日裏筆生香冠禮闈

旦已高中了淨似潛龍伏虎際却風雲會朝丹闕

率羣英御道先馳旦又是狀元授何官職淨珮玎

咚腰掛金龜近天顏談道經幃旦除了翰林侍講

是何籍貫姓甚名誰淨論他籍貫姓名與恁俱同

也難道瓜葛無干問是誰二位夫人不要推拒今

早我老爺手內牽珠眼中流淚小人請問緣故

要知端的特差小人到此旦我家孩兒已在陝

西怎得此高魁美秩只恐你錯認了淨我老爺

生于涿州長于陝西又是鄖陽軍籍纔年一十

六歲如今見坐孫御史老爺衙內那孫老爺也

是你同鄉老旦孫老爺叫甚名字淨他名是綱

表字天彙老旦果是真麼淨小人在登科錄上

見的有甚不真老旦媳婦既是孫天彙在此料

無虛假旦婆婆若得如此感謝天地不盡淨待

小人去請老爺過來相見請介小生上

前腔眼望着咫尺間似天涯淨稟老爺知道兩顆

珠正是一對小生驟聞說事驚心淚滿衣未上恰

便是萍歸大海還相遇淨太夫人老夫人都在這

裡未誰料得祖孫母子今日叙離居老旦旦迎介

尚未卜是否何如悲喜集中生猶豫未殿元果然

不差前邊的是你令祖後邊的是你令堂小生老

旦旦抱哭介合親骨肉此地相逢也疑在華胥夢

覺餘小生拜老旦介婆婆數年輕棄宛似雲迷一

旦重逢真如天合老合孫兒我未通子信先觀



孫容你久離親懷遠沾帝祿可喜可喜小生拜

旦拜母親劬勞未報恨抱終天邂逅相遭歡傾

大地旦我兒昔傷死別割肉多年今幸生逢置

身若夢未相見介分珠既合不負初懷遺子能

還仍連滴血如此之事誠曠古所無于今罕有

者也欣羨欣羨老旦旦昔領豐儀未遑荅謝茲

逢異地無任欣榮小生請問母親我爹爹在獄

別後如何旦哭介

**東歐令**思量起淚雨揮小生悲介一向有信息否

旦 魚沉雁杳事已非筆端幸有青蠅集恩澤霈丹

書

小生

爹爹遇赦可得生矣

旦

雖得免死又調邊

衛未知衽革戍何區兩地望雲迷

小生

我爹爹呵

前腔 你延殘喘調邊隅劍老燕山甚日輝做孩兒

的不能殼得見你一面升天縮地渾無計

哭介

惟

有淚支願昨日孩兒上表辭官欲去尋取

旦

朝廷

曾准這奏本否

小生

天王不諒慕親詞解組赴征

途今日拜過婆婆母親明日就要起程了

老旦

前腔 休流淚勿顰眉纔得庭幃樂只且他既調衛

雙珠記

下七十九

不知在何地方關河迢遞齊秦楚怎忍又分睽人  
有善念天必從之你能孝感終有所應從來天理  
與人符終慰壽昌思末太夫人說得有理殿元

前腔聆言語貴思維孝感曾無間顯微小生孫叔

今小姪之處變豈能如江革之故實末事親雖不

同江革準舞老萊裾小生孝子有愛日之誠功名

富貴皆身外物耳末辭榮信是盡天彝慎戒逆鱗

披

尾聲老旦且一家天地春和煦末堪美鄉間觀會

美小生要致稱觴具慶時

趨表重婦日悲歡向此并

會真猶認夢淚定尚沾襟

第四十二齣生上

一疋布離狴犴擁熊羆功成領節麾干城萬里壯

施爲威聲震四夷罪釋九泉開白日時來六翮起

青雲浮生一任皆春夢禍福榮枯總未真嘆介

王楫向自荆湖遇赦改調劔南幸同陳獻夫勦

虜成功官拜捕虜將軍分鎮劔南西道且喜名

列鷓班身持龍節權叨玉鑑秩亞金吾雖不由  
丹陛傳臚亦自得碧幢耀武平生之志可少遂  
矣只是老母飄于亂兵亡妻阨于非命孩兒九  
齡流落陝西不知下落

悲介

骨肉冰消肝腸瓦

裂每一思之豈勝傷感也正是淚痕有盡情無  
盡一日思親十二時

二郎神愁無底望天涯亂雲迷遠視罔極劬勞成  
永棄蓬飛木落西風幾動哀思古人事親出不能  
方復不過時今我身當顛沛親在流離彼此不能

相聞使我戚戚心常驚嚙指豈能殼卽承容止

哭

介

我與母親天各一方情懸十載暗蒐飛怎禁得

盈盈玉筋雙垂母親雖無下落倘皇天有靈或者

使我有相逢之日但亡妻棄世今生那得見面

轉鶯林可憐視死輕鴻羽銜冤九地難追一朝之

忿亡其身這是婦人常事緣何你把九齡孩兒呵  
忍分襁褓先期棄剖心剝肉左計欠思維妻你將  
謂我秋後處決故先爲死別生離之計誰料我呵

蒼穹默相使微軀不應流星墜我是該死的乃僥倖而生你是不該死的反自盡而死如今我處富貴之鄉你在幽冥之境他日便有贈謚恩典也濟得甚事生共死幽明異致雖貴亦奚爲小外上

七娘子男兒不負窮居志展弘謨遂成經濟貼上

虎奮三軍鷹揚千里可信是青雲器相見介小外

尊舅旣得功名已舒蘊抱當此無事之時爲何

又生悲嘆生事不關心關心者亂下官蒙妹丈

提挈一旦富貴豈不欣幸想昔荆湖之行老母

贈我明珠一顆欲爲後會之圖今日人物俱亡  
爲此傷感貼旦哥哥奴家入宮之時母親亦贈  
明珠一顆懷藏數年未嘗釋手向因賜婚來此  
中途遺失有負親懷怎生是好小外物以寓情  
事皆有數賢兄妹請免愁煩目下太平岳母必  
歸故土那時骨肉重歡豈不愈于見珠丑捧公

文上

番鼓兒承差委承差委聞令傳恩旨禁苑鶯遷黃  
封褒美那二位將軍呵西府佐兵機天顏密邇緩



帶輕裘尊榮無比自家是帥府聽事官只因陳王

二將軍俱陞樞密院僉書元帥老爺差我賁文

書報稟不免進見見介稟二位老爺知道元帥

老爺差小官送朝報生接上來看取看介兵科

給事中祝淮一本爲擢用將材以固根本重地

事竊惟京畿爲萬國之尊輦路通三關之要龍

盤虎踞武備當嚴璞隱珠沉奇材莫顯照得劔

南道平虜將軍陳時策靖虜將軍王楫受圖黃

石法合奇謀學劔白猿時稱善戰笑談却敵能

傾項籍之八千尊俎折衝智破苻堅之百萬久  
淹邊境屢奏膚功宜置密司允肩機務奉聖旨  
是陳時策陞樞密院左僉書王楫陞樞院右僉  
書着速赴任以副朕側席之望 丑 元帥老爺多

拜上二位老爺朝命既下事不宜遲明早請即

起馬 生小外 這個我們知道連夜收拾完備明

早拜辭老爺赴京到任便了 丑 羽檄傳音紫髯

將轅門復命黑頭公 下小外 才得微功遽膺顯

擢况我輩與祝黃門素未荆識何得見知若此

令人不勝感愧生當宁能用賢當道能薦賢在

彼非納交在我非要譽也若無妹丈汲引安有

今日貼旦相公你與我哥哥異地萍逢同時鸚

薦真可謂不負所學矣生

雁來紅蛟龍久在池挾風雲鼓化機群生踊躍沾

霖雨勲業鳴當世不枉塵沙一鐵衣合時遭際伊

吾志馳美浮生誇拔萃小外

前腔風淒鼓角悲分鷓鴣寄一枝指揮經濟邊戎

地王錫驚繁庶密勿崇階翼帝畿合前貼旦相公

你與我哥哥

朱奴兒下不盡羊曇幾棋謝安屐便能折齒唾手  
功名脫穎錐真射雉不亡一矢合惟願取忠義敢

披芳銘鼎彝生小外

前腔嘆李廣侯封數奇今做了腰印季子要把施  
爲配兩儀贊國運永圖休否合前

玉塞宣威震遠戎天書夜到冊元功

近來廊廟多西帥出相誰言只在東

第四十三齣小生上

賀聖朝 天涯骨肉飄零那堪十載哀鳴壽昌豈憚  
解簪纓親歷遍修程歲月椿庭闕問安征途不啻  
上天難金多位重非吾願三釜還期養志歡 嘆

介

下官欲往荆湖尋取父親願棄此官昨又進  
一本聖上亦不准奏可憐可憐臣道固有所拘  
子情則當自盡難道教我終身不認父親罷了  
以法論之凡官員擅離職者解見任我拚不做  
這官飄然長往逕自尋取有何妨碍哉

金索掛梧桐 天親本至情人爵安能勝十載睽違

心鹿渾無定眼前軒冕也視塵輕羞殺瓜前感邵  
平這是處常之事還有處變的呵司農續愛由于  
性驃騎知恩豈爲名皆明證古先達貴方冊布休  
稱合嘆連章不允辭榮且莫恤身烹鼎下官幼離  
親懷長承師訓偶爾應試遂得成名

**前腔**遭逢起一經蒙此三不幸少年登高科一不  
幸有高才能文章二不幸這都是小節下官雖非  
籍父兄之勢爲美官如今身在玉堂金馬不能與  
父同享富貴正是大不幸了俯仰之間愧作麴曾

省混然中處也負平生制行難期盡虎成事親肯  
被官箴縛盡孝何愁世網嬰人之所為取法乎上  
僅得乎中而况中人之事其可不盡心乎賢希聖

綱常倫理心法要常惺

合前

且把衣飾換了扮作

常人模樣方好去行路

脫換衣巾介老旦上

三臺令相逢乍破愁城又苦兒郎遽行

旦上踪跡

兩浮萍恐此去得失難憑

相見介旦

骨肉流離久

平遺孤靡所依

老旦

大江限南北何處訪庭闈小

公生

月暗窺隨夢雲深淚滿衣

合

相逢如隔世細

認在明珠老旦孫兒你今日解了公服換了常

服衣行色匆匆料往荆湖之計但我兩人久別初

逢正好相依遣日不免又有此行如何是好小

生婆婆與母親飄泊十年骨肉不能完聚今

幸相遇已得所安請各寬心不勞掛念旦孩兒

王昨以少年而膺美選已動觀瞻今以孤身而歷

長途怎經跋涉教娘好生放心不下小生母親

這個不妨前日孩兒陝西來此應試原是隻身

今日解了冠帶扮做常人輕囊健步有何不可



旦只因要知你父親下落故此由你遠去在路

須要小心小生孩兒理會得不必分付拜老旦

介婆婆就此告別前去老旦

玉胞肚烟波雲嶺挾孤囊踽踽遠征敢辭他冷月

酸風知何時得拜椿庭抱哭介合牽衣分影驪歌

忍聽斷腸聲不覺交頤淚雨傾老旦孫兒此去呵

前腔微行捷徑可知非衣錦晝榮急回頭欵段加

鞭免慈闈久蕩心旌合前旦孩兒你父雖調衛不

知是何地方還到荆湖一問小生母親此事不

勞丁寧 拜旦介

前腔 荆湖萍梗這行藏 必要探明若知他改戍何

方再驅馳定遂歡迎

抱哭合前旦

孩兒你自幼相

失未識父親顏面卒然得遇無以證明 付珠介

原將此珠與你帶去做個色認 小生 母親謹受

命 老旦 孫兒我聞你姑娘賜配劔南 付珠介 也

將此珠與你帶去雖非順路倘客伴之中偶遇

使人通得一信也好 小生 婆婆謹受命 旦 孩兒

這雙明珠原是婆婆所蓄昔因離別分而爲二

今又合而爲一你帶將去不可輕覷了他

前腔雙珠明瑩解人情素已著靈冀豁然指示相

逢管教他悲喜交并

合前

孤雲飛去望無踪  
淚眼穿空計莫從

十數年間勞夢想  
幾千里外冀躬逢

第四十四齣

末扮僧上

拋誦子天理人心心有天天人相應豈虛言人生  
禍福皆天理莫道人心果可瞞南無無量壽佛小  
僧法名悟真乃荆湖道鄖縣禁子葉清的便是

只因絞罪犯人王楫在監見他娘子生得嬌美  
圖他爲妻早晚供給那王楫感激許說死後將  
這娘子嫁我不想這娘子心性如火節操如水  
聽得丈夫此言就把孩兒賣與陝西商人去了  
逕往太和山上投淵自盡可惜可惜這是李克  
成張有德同謀陷害誰知天道昭昭那兩個都  
被天雷打死兩家又被天火燒盡後來王楫遇  
赦免死收調劔南正是善惡到頭終有報只爭  
來早與來遲小僧追想當初見了王娘子只因

我一念之貪王楫一言之錯遂使母子二人生  
離死別我之罪過必遭惡業地獄故此發心出  
家爲僧來到西嶽華山下正覺庵中棲住修行  
度日免墮輪迴不免誦些真言消磨災障者

**拋誦子**生死輪迴在眼前何須拜佛與求仙只耕  
方寸心田好廣結三千世上緣南無無量壽佛小

生背包裹行上

似娘兒跋涉一空囊形瀟灑意氣洋洋雲山縹緲  
樁容遠不知甚日得同還路歷三千里腸迴十二

時思親無盡日惟有淚沾衣王九齡棄了官職  
別了婆婆母親前往荆湖尋問爹爹下落背着  
包裹行了一日之程身子疲倦此間是個僧院  
不免進去借宿則個

相見介末

小官人何來

小

生小生從京都來欲往荆湖探親今夜敢借上

刹一宿明早奉謝

末

十方所在隨意穩便只是

簡慢安敢望謝

小生

黃昏打攪甚爲不當

末

天

晚不及奉茶請安歇罷正是禪燈澄性地客榻

斷竄時

下小生睡介

曲肱而枕權宿一宵再作

區處 起坐介 我精神雖倦情思可傷如何睡得

去好生惱人也

祝英臺序 事參商心悵快岐路苦亡羊我爹爹被

人誣陷呵狐媚妄侵鵬喙交攻驀地禍生蕭牆 哭

介 堪傷那些兒公道天開端的是羅鉗吉網我爹

爹是個大儒指望立身行道今遭此患難那有出

頭之日這時節難道是當刑而王 末上

前腔 休愴你是少年郎遠道旅宿有何嘆 小生有

些心事傷感不覺驚寢長老休怪 末 當此居靜夜

闌月白風清怎不夢熟黃梁

小生

家事關心故生

饒舌長老你若長夜無眠可來坐講一講

未

同講

欲聆世界塵緣暫撇瞿曇經藏恁心事乘閒可白

端詳

小生

長老請坐了講

未坐介

小官人高姓貴

表仙鄉何處

小生

小官王九齡本貫涿州自幼

隨父母到荆湖當軍被人誣陷家父在獄家母

把我螟蛉與陝西王子循爲子到今十年不知

下落近聞遇赦調邊未曉是何地方特往探問

未

小官人你記得令尊令堂名氏否

小生

這個



記得家父諱楫家母郭氏末驚介阿呀你就是

濟川的令郎久仰久仰小生長老何以知之末

小僧原是鄖縣一個禁子俗名葉清令尊在獄

我憐他受枉朝夕供看令堂見決單將到先把

小官人棄了自去投淵而死誰想令尊遇赦改

調劔南去了請問小官人去陝西時才年五歲

如今長成作何生理小生長老聽我相告西白

**前腔**誰想我萱親發忿投淵神救免身亡末上有

天理且喜令堂得生你何由得知小生小生今年

十六歲往京應試忝中第一名官授侍講 未輯原

來是殿元老爺小僧失敬了 小生 母祖既逢 未令

祖令堂都會着了可喜可喜老爺既做美官爲何

如此打扮 小生 官爵難縻願歷異鄉風霜 未 老爺

棄官尋親乃天下大孝事難得難得 小生 恹惶那

堪水遠山長今遇長老得知家父消息一似黑雲

開障到明日逕往劔南尋訪請問長老爲何出家

在此 未 只因李克成張有德害了令尊令堂都

有果報呵

前腔 影響感皇天禍福無差疾速報明彰 小生 惡

有惡報感應之常 末 善有善報誰料你一家呵骨

肉再完爵祿兼隆乃見吉人天相老爺令尊是個

大儒令堂是個烈婦堪仰都是盤根錯節經來利

器光芒明朗從今後表表名盈霄壤 內 鷄叫介 小

生說話煩多不覺林鷄報曉天色將明就此告

別起程 末 此去逕往劔南相見令尊乞多致意

別介

邂逅僧房叙客踪 得聞消息辨西東

人生異地能相遇  
大海浮萍一葉逢

第四十五齣

左右引生小外貼旦行上

浪淘沙應召覲君王行色匆忙登山涉水苦風霜  
城帶斜陽聞鼓角且息油幢生百折馳驅度畫輪

小外經行終日不逢人占旦雨晴潮沒汀洲遠

左右日落荒烟草樹深生妹丈我們自劔南起

程行了數日才到此處不知是何地方小外舅

舅你看那邊像個館駟天色已晚可就此歇罷  
左右稟老爺知道這是漢中嘉陵驛了生既到

館驛分付驛丞抄關應付 左右介內應 上房舖

陳天字號廩給一應隨行人役口糧俱已完備

生 左右的各自迴避 左右介 候館送迎千萬客

郵亭匍匐二三更 下小外 阿呀你看金波搖水

玉鑑掛林客路之中有此明月可喜可喜 生 連

熱 日貪趨路程未得片時寧息今夜月明我與妹

熱 丈卸了冠帶出外閑步一回妹妹可先安歇 貼

旦 哥哥與相公既去閑步奴家且未安歇坐待

回來罷了 小外 如此更好 合 正是天傾蓬島十

洲外人在浮黎一黍中  
並下小生上

**前腔** 猿嘯暮天長 景色淒涼盤迴百里路 蒼茫林  
外寺鐘催倦鳥霧潤蟾光雲湧橫山紫翠氛未投

荒店日先昏今宵只傍梅花宿 贏得分清入夢  
魂下官前日遇着葉清和尚知了父親調衛消  
息逕往劔南尋取只因貪趨路程不覺天光已

暮 嘆介 我以孤獨之身走荒蕪之地前不逢村

後不着店怎生是好你看前邊有兩人行來問

他覓個宿處也好 生小外上 暫解冠裳輕宦况

聊憑風月慰離愁 步介生 妹丈你看流天素彩

至淨無塵 小外 舅舅可知盈手冰光雖寒不濕

小生 當此境界果然身世兩忘 生 此生甚有曾

點氣象想亦是吾道中人迎他一話如何 小外

孔門之樂不拘物我相與少叙料無不可 相見

介小外 好古怪此生面貌甚與舅舅尊容相肖

生 孔子且似楊虎何足多訝 小生 素與二位未

嘗荆識為何邂逅之初遂蒙私議 生 適見尊容

與下官相類故爾偶談其實無他 小生背介 看

他自稱下官必是縉紳流品我且問他 問介

瞻雅範頗露官儀二位莫非微服過宋者乎 生

小外 既承洞察焉敢韜藏 生 下官初授平虜將

軍今陞樞密右僉 小外 下官初授靖虜將軍今

陞樞密左僉 小生 揖介 未通交際殊失企瞻恕

罪恕罪二位先生情無隱教下官理合明言 生

小外 願聞願聞 小生 下官瀛洲奪錦翰院談經

得接丰儀自知欣幸 生 小外 揖介 久慕輝光未

承動履今夕之遇豈曰偶然 小生 二位何來今



將焉往

生小外

來自劔南往京赴任

小生

既在

劔南歷宦得聞續衣寄詩之事否

小外

事屬奇

遇人皆喜談殿元之問亦為是歟

小生

非也此

女與下官有些瓜葛乃敢求教

生介

人固可疑

言亦可駭待我先問他來歷便知分曉

問介

殿

元你既擢大魁已屬台望為何寒夜獨行到此

小生

一言難盡

生小外

閑中偶叙願悉其詳小

生

下官與二位所仕雖非同途斯文原是一脉

且聽亂言相告

悲介

瑣窓郎念椿庭補伍荆江被姦謀陷禁牆生尊翁

被人誣陷在獄問何罪名小生虛招刃殺抵罪應

償生罪該抵死可向問官訴辯小生一切是羅鉗

吉網生問官不明枉了性命小生幸朝廷忽然宣

制蒙疏放得減死戍邊壤小外既調邊衛是何地

方小生一向不知近遇僧房借宿始知調在劍

南小外父親事情怎麼近日方知小生哭介有

個緣故未赦之先家母將謂家父必死欲圖自

盡那時把下官呵

前腔 螟蛉與陝地王商十餘年蒙教養 小外 青春

幾何某年及第 小生 弱齡二八僥倖賓王即願得

辭官尋父表章連上柰朝廷不准呵逕自輕身長

行至中途逢僧夜話知方向今轉足劍南往 生向

小外 輕悲介

前腔 乍聽他訴罷行藏驟令人意驚惶 小外 李下

整冠嫌疑當辨 生 待我細問他 問 小生 介 明通姓

氏籍貫居方 小生 下官王九齡涿州人 生 尋骨肉

有何色仗 小生出 珠介 有明珠在此家父自能相

認生 殿元借我一看 看珠哭介 天那這原是萱親

贈別妻拋漾今復覩舊形像 向小外介 妹丈此人

有些古怪下官心忍至痛言不成聲你爲我問

他一個端的 小外 舅舅且免愁煩待我再問 問

介 殿元今庚一十六歲已別父母十有餘年據

此論之則去陝西之時止可四五歲耳你離別

長久

前腔 恐椿萱諱氏將忘 小生 這個都記得家父諱

楫字濟川家母郭氏 小外 兩年庚知少長 小生 這

個也記得家父年四十一家母年三十九小外你

有無重慶苦樂存亡

小生

祖父棄世久矣祖母盛

氏遭安祿山之亂飄流數年今與家母萍聚在京

小外

殿元你說要尋尊翁若如此何須遙訪

小生

不去遙訪怎得見我家父一面

小外

今日裏管教

骨肉胥無恙

小生悲介

敢是先生曉得家父下落

小外

或可得慰伊想

小生

請問先生上姓貴表仙

鄉何處

小外

下官陳時策忝爲殿元同鄉

小生

貴表是獻夫否

小外

然也

小生

認得孫天葵否

小外 是吾故友殿元何以知之 小生拜介 老叔

正我父執也孫叔與小姪同榜官授監察御史

在京相叙常誦盛德 生 孫天彛也中了可喜可

喜袁天綱之言于此甚驗 小外 天彛中式未足

爲奇但與此君同榜可見數皆前定 小生 二位

道及袁天綱之事甚合區區所聞必知家父住

向可賜明言 小外 殿元你果要尋尊翁我先問

你一個親戚可認得否 小生 是誰 小外 適承所

問續衣寄詩宮女在殿元有何瓜葛 小生 小字

慧姬家父的妹也小外既是這等你要見尊翁

指生介此公便是小生驚介果然小外天親不

可以人為豈容誤耶小生跪介天那真個是我

爹爹生好苦果是我孩兒抱哭介合

十二時流離彼此如迷瘴誰料陽烏仍昶怎禁得

悲喜交相小生拜介恩分襁褓定省曠于十年地

阻江山音問踈于千里孩兒不孝之罪惟爹爹

矜恕生情出倉皇事成苟且雖由我之不幸實

汝母之失裁也可憐可憐小外令姑在宮寄詩

正被下官所得特蒙聖恩賜配如今見在驛中

請過相見

小生

向者姑娘在途失落明珠仍被

婆婆所得

出珠介

今帶在此

小外

如此請行

叫

介夫人有請

生

妹妹快些出來

貼旦應上

秋蕊香徙倚欄杆懸望何遽歡呼厮嚷

二生小外

合連年骨肉嗟離曠今日相逢翻掌

貼旦

哥哥與

相公閑步回來爲何欣欣然俱有喜色

生

妹妹

你母親嫂嫂都有下落了

貼旦

謝天地不盡有

誰說來

生

孩兒過來拜了姑娘

貼旦看介

郎君



面貌甚類哥哥莫非九齡侄兒麼小生拜介姑

娘正是小姪貼旦悲介十餘年之別不意又有

今日你婆婆母親今在那裡生孩兒你把婆婆

母親細說一番小生爹爹聽孩兒告稟

五更轉奪龍旂魁虎榜身羈在玉堂貼旦且喜姪

兒高中又做美官小生思親無替空悽愴每握明

珠自傷凋喪左右一個健兒見孩兒啼哭忽有不

忍之色問其緣故他說曾在劔南途中拾珠一顆

是一老嫗贈女入宮與此無異小外出珠貼旦看

介 此珠正是奴家所遺 小生 那時孩兒不信就把

此珠付與他忙比對果同樣這律兒回話婆婆母

親都在那裡雖如此孩兒不識面貌將信將疑又

承孫叔同去相逢細認殊非妄 合 母祖重歡幸終

祿養 貼旦悲介

前腔 聆此語情悵惘潸然淚兩行我那母親嫂嫂

當初只料死無葬身之地不想今日再逢滴血相

依傍缺月重圓昏雲開障悲喜并互笑啼難消暢

人生可信萍浮浪 合 此夕形神如酣醇釀 小生請

問爹爹向來動履生

前腔 荷邱詔脫覆盆劍南歷戰場小生何由得此

大官生不料你姑夫先已在彼從軍蒙他帶挈去

殺虜得勝同功拜命為名將西府榮陞趨承仙仗

邂逅間親父子真天降猶疑似夢還疏爽合賴此

明珠機靈影響小生姑夫何為先往劍南小外

前腔 自那日兵戈攘勤王効奮揚下官方在軍門

用事只見你爹爹呵蒙恩改調同營帳汗馬聯勳

皆膺殊賞小生既授顯爵又與姑娘連姻可喜可

喜小外製纊衣藏雅句堪嘉尚玉音特賜諧隨唱

合是豈人爲定由天相小生前日經過西岳華山

偶遇鄖縣禁子葉清在彼爲僧修行言及爹爹

之事故知改調來此生此人是我恩家此去先

將俸銀百兩相送待後另行酬答

浩蕩風塵阻雁魚  
相逢骨肉共欷歔

眼前跋涉勞無怨  
膝下從容樂有餘

第四十六齣

七旦

粉蝶兒氣序嚴凝遙憶征人空惚旦日望歸鞭寒

逼倚間孤聳錦堂春門閉瀟瀟落葉天空黯黯形

雲鈎簾鵲噪閑庭晚寂寞不堪聞旦絕域書迷

雁足函閨鏡掩鸞氛相思兩處愁千斛應斷夢

中竟老旦孫兒九齡棄官尋汝丈夫蒙孫御史

薦舉一本備道他重親輕爵之意天顏大喜不

惟免乎落職之虞將來且有褒旌之美謝天地

不盡旦婆婆人事雖爾天意難期孩兒此去孤

身遠道知他父子會否好生牽掛左右引生小

外貼旦小生上

青玉案

西山雪淡雲將凍凜冽威侵飛鞚

左右稟

老爺知道已是京城了

生貼旦悲介

身入皇都神

思竦離懷舒展親顏咫尺

合

甘苦今朝共

小生

爹

爹此是我家了

生

既是到家不免逕入

左右報

介老旦

我孩兒在那裡

旦

天那果是丈夫小姑

前回了抱哭介

謁金門後骨肉飄零堪痛禍患雲蒸霧滃恍惚十

年蕉鹿夢可憐彼此同

生貼旦遞珠介

奉還母親

明珠 老旦介生貼旦哭拜介

急板令念曩時胥遭阨窮違母氏兒西女東到今

真幸孔天篤桑榆未即衰瘠慶及芝蘭並茂芳叢

合雙珠合骨肉重逢悲喜集感蒼穹 生旦哭介

前腔嘆荆湖永訣禁中比翼鳥分飛溟鴻視此身

等空棄子捐生感動玄宮改戍勤王譽逮宸聰 合

前小外夫人向奉王命婢姻岳母未曾受禮今日

思可同一拜 小外

前腔愧鯁生元由非葑又不是麟腹虎胸喜恩推

帝衷 拜生旦介特俾絲蘿得附喬松濫受簪纓忝

匹名宗

合前老旦

其妻王夫人高無不舉之類

前腔我顏齡罹彼百凶甘沒齒乳竝寡終何期兒

女封

小生

父奮宏謨風虎雲龍母矢貞心露菊霜

桐

合前左右

稟老爺知道孫御史老爺賁聖旨來

了生

安排香案迎接

末捧詔鼓樂上

寶鼎兒奎章出自彤宮真個恩榮天送聖旨已到

跪聽宣讀

衆跪介末

皇帝詔曰君親同一體忠

孝非兩途惟其所在致是道焉矧綱常之大風  
化攸基不加獎異天下罔知所勸爾翰林侍講



王九齡談經佐治化已垂成解綬尋親志不少  
真奪既能自盡厥孝益見可移爲忠其祖母盛氏  
淑慎爾止克相夫賢刑於有家勗成子德其父  
竇樞密右僉書王楫勤兵薄伐戮彼犬羊傳檄宣  
等威清我疆宇民旣寧矣功曷懋焉其母郭氏艱  
難貞自持心同化石慷慨就死淚欲崩城太古之  
文完人惟今之至竇再照得樞密左僉書陳時策  
補薦士同征保西陲不淪于左衽致身耀武俾大  
業能底于中興其妻王氏入宮無不舉之職爲

憲椒房染翰有旁通之才追休雪咏茲數人者  
並可嘉尚王九齡陞授禮部尚書王楫陳時策  
俱授樞密副使盛氏封涿鹿郡君郭氏封燕國  
夫人王氏封譙國夫人嗚呼載錫新綸用彰懿  
行服此休征尚期後圖謝恩 衆拜興山呼介生  
請過了聖旨 左右介未見衆揖介

一封書我趨承葉拱欽捧綸音宣帝寵美一家瑞  
靄擁更庭闈具慶重數載艱辛堪曲踊一旦欣榮  
人企崇 合 孝忠貞貫日虹從此流傳天下風 老旦

前腔兒和女并婦屬聚首膝前致婉容看祥輝正  
鬱慈荷昭陽銜詔鳳兩地珠還仍合捧今日裏情  
非昨同

合前生旦貼旦

前腔苦災危洶湧母子夫妻沒倚踪柰洪濤巨浪  
舂這顛連無訴控豈料周旋完趙玉藩翰王家成  
大用

合前小外小生

前腔闔門享天祿喜氣恩光棟宇充最堪憐親骨  
肉偏稱在錦繡叢數極時通往者復苦盡甘來車

曳踵

合前

永團圓從來名教綱常重德行徹重瞳褒旌寵錫  
如天縱忠和孝難伯仲况堅貞膠鞏從容成義勇  
卓異尤超衆雙珠迎送悲歡離合中綴入宮商調  
旬日諷傳奇粗况幽響泄潛葢按拍醒慵懂願高  
明矜作俑訂謬補遺成雅頌千古知音同翫弄

忠孝賢貞具秉彝

雙珠離合更神奇

明王超格頒恩寵

留得餘風作世維